

蘭雪堂古事苑定本

蘭雪堂古事苑定本卷之六

饒安 鄧志

戴 珉潔澄

西泠 戴 璵瀾石 蔡定

戴 琰師倫

人品

人列三才。性靈萬物。賈閼仙稱詩祖。絕類離羣。歐陽公數文豪。蜚英騰茂。王摩詰乃千年畫手。成連子固萬古琴師。岐伯巫咸。允數醫林之首冠。靈芬詹尹。雅稱卜士。

之前才袁耽善樗蒲于手下擲投百萬誰如孫武熟陣
法於胸中變化三千叵測郭璞作堪輿祖若吳若楊若
廖各衍其流叔服爲風鑑宗曰唐曰許曰陳共分其派
庖丁解牛技絕刀游肯綮之間紀昌貫蝨藝精矢入毫
芒之處知人生死季咸實曰神巫決世榮枯康節最稱
仙數再問畫家誰最勝與可善竹黃筌妙花欲知御者
孰居優造父執鞭王良使轡曲有誤周郎顧可知音律
獨高卦通神君平靈僉謂卜筮有驗山中開虎口海上
點龍鱗孫思邈醫乎仙乎水中占馬起架上卜花殘陳

希○夷○人○也○神○也○絕○消○養○鬪○雞○之○術○不○使○氣○驕○韓○幹○盡○神○
馬○之○機○當○如○真○看○空○拳○搏○虎○再○逢○馮○婦○爲○雙○巧○手○屠○龍○
只○有○支○離○第○一○郢○人○運○鼻○端○之○斧○奇○則○又○奇○羿○僚○弄○手○
內○之○尤○妙○而○益○妙○王○積○薪○之○圍○棋○更○絕○陳○孺○子○之○愧○偏○
何○如○山○中○獵○戶○只○獵○獸○文○王○獵○才○梁○王○獵○善○豈○區○區○使○
追○逐○之○虞○人○海○上○釣○徒○只○釣○魚○太○公○釣○國○子○陵○釣○名○不○
泛○泛○作○尋○常○之○漁○父○

賈○島○字○閬○仙○有○詩○名○時○李○商○隱○目○之○爲○詩○祖○又○宋○黃○
山○谷○稱○爲○江○西○詩○祖○亦○謂○詩○伯○
事○文○類○聚○趙○宋○歐○

陽公豪於文石曼卿豪於詩杜默豪於歌謂之三豪
王摩詰王維也善畫亦善詩嘗云宿世謬詞客前
身應畫師樂府解題伯牙學琴於成連子成連子
引之海中因教其作水仙操岐伯黃帝臣巫咸唐
堯時人皆善於鑒者戰國趙靈芬善卜楚詹尹
善卜屈原往見曰余有所疑願因先生決之云云
晉袁耽字彥道善搏桓溫少遊博徒資產俱盡尚有
負欠求救于耽耽時居艱遂變服懷布帽隨溫去與
債主戲十萬一擲直上百萬投馬絕叫傍若無人厖

布帽擲對人曰汝竟識袁彥道否孫武子極善陣

法實實虛虛之類變態三千今孫子十三篇是其秘

訣也堪輿地理之術也事文云晉郭璞者始作葬

經吳楊廖謂吳景鸞楊筠松廖瑀春秋時叔服

善相人魯公孫敖見其二子焉叔曰穀也食子儻也

收子穀也豐下必有厚子魯後皆如其言食謂供養也收謂塋

身也豐下謂而方而豐厚也唐許陳謂唐舉許負陳搏諸人皆

善相人者莊子養生篇庖丁爲文惠君解牛文惠

君善之對曰臣之所好者道也進乎技矣臣以神遇

而不以目視。官知止而神欲行。依乎天理。批大郤。導
大窾。因其固然。技經肯綮之未嘗。而況大軀乎。列
子云。紀昌學射于飛衛。衛使之懸蠅而射之。昌以鼃
牛之尾繫蠅于牖間。旦夕視之。二年大如車輪。一發
乃貫蠅之心。而鼃不絕。初學記。春秋時季咸爲巫。
知人生死。時號神巫。邵康節先生有侮花數事。
文類聚。宋之善畫者。崔白。善翎毛。黃筌。善花。人稱之。
曰寫生。文與可善畫竹。東坡謂其有四絕。詩。一楚
詞。二草書。三畫。四造父。周穆王之御。王良。趙簡子。

之御樂府序云周瑜精音律誤者必察之時人謂
曰曲有誤周郎顧嚴君平善卜賣卜成都市人謂
曰卦通神君平靈問卜者相繼而至先生得百錢足
自養則閉戶讀道德經唐孫思邈善鑒有虎傷人
被金釵插于喉虎跪而張口示之思邈爲出其釵有
龍病鱗思邈爲針之時稱鑒仙陳希夷先生與客
遊見一赤馬一黑馬浴水客卜之何馬先起卜得離
卦客曰離屬火赤馬先也希夷曰火未發烟先起黑
馬先也果然一日客問架上牡丹花殘於何日希夷

曰來日午時至期羣馬逸出。花果毀。莊子達生篇。
紀消子爲王養鬪雞。十日而問雞已乎。曰未也。方虛
僑而恃氣。十日又問曰未也。猶應鄉景。十日又問曰
未也。猶疾視而盛氣。十日又問曰幾矣。雞雖有鳴者。
已無變矣。望之似木雞矣。其德全矣。異雞無敢應者。
反走矣。消音唐韓幹善畫馬。每夕必蹄齧如索水。
草人稱爲畫聖。莊子朱泚漫學屠龍技于支離殫。
千金之產。以學屠龍。三年技成而無所用其巧。莊
子雖篇。郢人堊漫其鼻端。若蠅翼。使匠石斲之。匠石

運所成風聽而斲之盡至而鼻不傷郢人立不失容
朱元君問之對曰臣能斲之而臣之質死久矣聖帝

泥也漫汚也苦蠅翼薄之甚也

楚與宋戰而敗羿脩弄丸八個在

空中一個在手宋軍停戰望之楚得免於難唐積

薪從明皇幸蜀宿一村遇婦姑弈棋蓋仙女也積薪

往看之姑曰是子可教以常勢耳積薪自是以弈鳴

漢祖為冒頓圍於平城陳平乃作木偶美人舞於

城上冒頓后闕氏妬忌慮下城冒頓必納遂令解圍

漢祖因得免列國時梁君出獵將射鴈路有行人

驚鴈而起。梁君欲射殺其人。其御公孫龍諫曰。君以
白鴈殺人。惡乎爲君。梁君喜曰。樂哉。人獵惟得禽獸。
吾獵得善言而歸矣。姜子牙釣於渭水。周文王出。
獵遇之。載後車以歸。後封于齊。子徒隱釣於富春。
山光武以物色求之。故後人有詩。潮云。一着羊裘便。
有心。虛名傳說到如今。當初只着蓑衣去。江水茫茫。
何處尋。

人品二

民生惟庶○人品攸殊○曰野客○曰漫郎○原非俗士○稱醉翁○
稱醒老○豈是庸流○富財輩○乃多田翁○客用人○實守錢虜○
晉代說虎頭○畫匠筆有神機○唐時稱狐穴○詩人詞多僻○
事○夫雅歌而婦善瑟○農畝家風○僮鼓枻而婢煎茶○漁家○
滋味○神醫盧扁○曾聞起死○以回生○良匠班倕○必是得心○
而○應手○歐公謫仙○坡老○皆咳唾珠玉之文人○善卷○支伯○
務光○盡泥塗軒冕之逸士○嵇康乃煅者○綠楊樹下鉗錘○
諸葛一耕夫○紅杏村中耒耜○書家誰最勝○張芝草聖崔

暖草賢書手。執居優戴嵩。寫牛韓幹寫馬。紙自蔡伯彥
造成。蔡是楮先生之始祖。墨乃李廷珪製出。李爲石處
士之主人。絳幘雜人報曉籌。朝儀不亂。鐵衣爪士防秋。
析邊境無憂。嬰鑠翁懷烽火壯圖。玄真子陶烟霞樂趣。
月作鉤分虹作線。釣煞客誰人更步。李青蓮墨爲盞也。
硯爲城筆陣圖。符個能如王逸少。歷觀往事。悉是奇聞。
第無人爲火者。用鹽梅調宰相之羹。若使我作縫工。必
色線補天子之裘。

唐潘展不拘小節。放蕩詩酒。自稱野客。元結字次

山祿山反。逃難自稱浪士。又稱漫郎。朱歐陽修稱

醉翁。以醉翁不在酒之意。林中子不爲酒困。稱醒

老。唐盧從愿廣置田畝。人目爲多田翁。亦曰地癖。

後漢書馬援傳。援處田牧。至有牛馬羊數千頭。穀

數萬斛。旣而嘆曰。凡殖貨財產。貴其能施賑也。否則

守錢虜耳。乃盡散以班昆弟。故舊。晉顧愷之。小字虎頭

爲參軍。善畫。人目爲顧虎頭。畫唐喬子曠。晚唐時

人能詩。善用僻事。粧點人因。目爲狐穴。詩人。漢楊

惲與孫會宗書云。田家歲時伏臘烹羊炮羔。斗酒自

勞家本秦也。能爲秦聲。婦趙女也。雅善鼓瑟。仰天拊
缶而歌。烏烏曰。人生行樂耳。須富貴何爲。張志和
有一奴一婢。曰漁僮。樵青。配爲夫婦。使漁僮蘆中鼓
柁。樵青竹裏煎茶。列子曰。季梁病。盧醫曰。汝疾非
由天。非由人。亦不由鬼。稟生受形。既有制之者。藥其
如何。季梁曰。神醫也。重禮而遣之。俄而自愈。扁鵲
善醫。有死者二日矣。曰。是尚可活也。投之藥。入口中。
其人卽活。公輸子名班。魯之巧人。僞黃帝時。巧人
名。能音。垂。歐公。歐陽永叔。李白。別號謫仙。蘇軾。

號東坡

李白詩云。咳唾落九天。隨風生珠王。善

卷。舜時隱士。冬衣皮毛。夏衣葛綸。舜讓以天下。不受。

支伯。虞時有德之士。舜讓以天下。支伯曰。子適有

幽憂之病。未暇治天下也。務光。湯讓以天下。不受。

嵇康事
詳朋友

史稱諸葛躬耕南陽。爲梁甫吟。晉張

芝。字伯英。韋仲將稱爲草聖。又張旭亦稱草聖。唐

勸。瑗善章草。人謂之草賢。畫譜云。唐戴嵩善寫牛。

韓幹善寫馬。當時目之爲戴。韓。名家。伯彥。蔡倫

之字。當時造紙。人謂之蔡侯紙。李廷珪。易人居歛。

善製墨。人呼爲李氏墨。雞人司漏之官名也。唐詩云絳幘雞人報曉籌。尚衣方進翠雲裘。鐵衣鐵甲也。爪士爪牙之士。馬援征交趾還。時年已六十餘。復請征烏桓。據鞍上馬以示可用。帝笑曰。矍鑠哉。是翁。唐張志和自號玄真子。又號爲烟波釣徒。李自謂宰相。自稱海上釣鰲客。相問以何物爲釣線。對曰。以虹霓爲絲。明月爲鉤。相又問以何物爲餌。對曰。以天下無義氣。丈夫爲餌。相竦然。王羲之筆陣圖云。夫紙者陣也。筆者刀槍也。墨者鎧甲也。水硯者城。

池也。心意者將軍也。本領者副將也。結構者謀畧也。出入者號令也。屈折者殺戮也。火者卽云庖丁。鹽梅商傳說事。杜詩云平生五色線。願補舜衣裳。

人品三

夏育孟賁稱雄弩力。道疆飛燕擅美聲歌。商周御絕於
春秋。蒲苴射高於戰國。御之絕更開造父。馭八駿策不
空。揮射之精尚數高駢。貫二鵬箭無虛發。扁鵲以名醫
著。長桑君授其真傳。巫咸以鴻術鳴。岐伯氏留將秘訣。
麻衣風鑑。相人骨不相人皮。郭璞堪輿。葬龍耳弗葬龍
角。課衍陳搏之秘。知宋祖帝星。趙普相星。相傳管輅之
奇識。何晏鬼幽。鄧魘鬼躁。王維畫雲水筆端。造化補天
已。董奉種杏林。心上陽和布春色。別有畫家妙品一手。

畫○生○枝○一○手○畫○枯○枝○悉○有○奇○思○再○言○醫○士○名○流○知○疾○在○
腠○理○知○疾○在○骨○髓○獨○精○妙○處○博○最○善○不○云○劉○毅○則○云○袁○
彥○道○之○傳○奔○至○精○弗○日○賈○玄○則○日○王○積○薪○之○輩○作○盤○鈴○
傀○儡○偃○師○昭○千○古○大○奇○爲○吸○水○翻○車○馬○子○示○萬○年○絕○巧○
塵○觀○古○輩○各○擅○所○長○第○刻○玉○巧○夫○靡○國○之○財○可○惜○而○濫○
竿○拙○士○竊○人○之○祿○奚○爲○

夏育孟賁
詳勇敢篇

漢○成○帝○時○劉○道○疆○能○作○單○鳬○寡○鵠○之○音○

趙○飛○燕○能○爲○歸○風○送○遠○之○曲○皆○妙○絕○于○當○時○
春○秋○
時○齊○有○商○高○者○善○於○御○馬○
商音齊
商音丙
戰○國○時○蒯○苴○善○

射百發百中。無有虛矢。周穆王有八駿馬。使造父

爲御。巡遊天下。八駿謂絕地。足不翻羽。飛行如奔。宵行

萬越影。逐日踰暉。炳耀超光。十一行騰霧。而行挾翼。有

肉翅。隋書高駢見雙鵬。曰我貴當中之。一發貫雙鵬。

後駢爲侍御。號雙鵬侍御。春秋時扁鵲姓秦。名越

人。少爲舍長。舍客長桑君呼而語曰。我有藥方。欲傳

於子。乃出其懷中書以予之。且令其飲上池之水。三

千日。鵲如其言。從此視病盡見五臟之藏。結乃竹木

上之露。未落。地者。陶唐時巫咸以鴻術鳴。而爲帝堯氏之

師相經云麻衣先生者善相人所相者不相人皮肉惟相骨骼耳。晉郭璞嘗爲人遷葬明帝微服觀之因問主人何以不葬龍角葬龍耳。主人曰郭璞云葬龍耳。天子乃至帝甚異之。宋祖未登庸時與趙普飲于酒肆並席而坐。陳希夷先生過之乃引趙普而下曰汝太微垣輔佐星不宜與帝星並。魏官輅善相人謂鄧颺之行步筋不束骨脉不制肉此謂與躁何晏精爽烟浮容若槁木此謂鬼幽皆非返福之象卒如所言。王維善畫名盛于開元天寶間壽山

水雲石。議者以爲天機所到。人力罕所能。乃神仙
傳云。董奉隱居廬山。施藥治病。重病愈者。爲種杏五
株。輕者種一株。杏成林。時號董仙杏村。畫品唐張
藻善畫。以手把雙筆。一時齊下。一爲生枝。一爲枯枝。
生枝則潤含春色。枯枝則乾裂秋風。初學記。扁鵲
見齊侯曰。君有疾在腠理。不治將深。齊侯曰。寡人無
疾。後五日復見曰。疾在腸胃矣。又五日復見曰。疾在
血脉矣。又五日復見曰。疾在骨髓。無能爲也。後五日
齊侯果死。晉劉毅于東府聚樗蒲。一判至數百萬。

一帖也。或云一會。

袁彥道王積薪詳前篇。

賈玄唐太宗時

人善弈。太宗與之弈。玄常詐輸。太宗知其詐也。謂之曰。再圖一局。汝勝。賜以緋。不勝。投之泥中。既而局平。輸一子。太宗令投之泥中。玄呼曰。臣握中尚有一子。太宗大笑。乃賜之緋。事文類聚云。傀儡諸乃春秋時師偃所作。後陳平解平城之圍。作木偶美人者。沿其舊耳。事文類聚云。馬鈞作水車。巧倍于常。利用于世。宋人有刻玉爲楮葉者。三年而成。雜之楮葉中。不辨。列子曰。使造化三年而成一葉物之有葉者。

亦鮮矣。列子云。齊宣王好竽。一吹必三百人。皆食祿。南郭先生不解吹。而雜于三百人之中。以竊祿。宣王薨。後王曰。寡人好竽。欲一一吹之。南郭先生乃逃。

人事

負荆謝蘭頗曰知非鼓瑟干齊未云投好刁存泣含雞
舌格物未能蔡公誤食螭蜚讀經未熟曰蠻荆曰儉仇
習孫之戲謔俱奇稱沙礫稱糠粃王范之嘲譏並美市
中之虎譖言豈是真情井底之蛙小見乃稱實事數淮
南一老便見獨優說魯國兩生乃知不肯鳳毛五采聰
明之令子誰倫鼠首兩端疑惑之小人酷似毛先生片
言九鼎士重誅猷季將軍一諾千金人高信行兩尾牛
應行兵有失一株竹兆應舉皆榮別故友于長安橋起

銷。硯。之。號。憶。仁。人。于。峴。首。碑。垂。墮。淚。之。名。一。犬。吠。形。百。
犬。吠。聲。覺。世。事。從。風。而。靡。一。人。道。好。千。人。道。好。知。輿。言。
隨。俗。而。傳。黔。狗。行。兇。難。免。呆。卿。之。罵。鶴。媒。肆。毒。已。生。屈。
子。之。悲。樂。羊。子。功。績。未。成。謗。書。滿。篋。郭。林。宗。聲。名。最。重。
謁。刺。盈。車。李。陵。降。而。隴。右。俱。慚。于。木。隱。而。河。西。具。美。禮。
儀。最。當。公。孫。開。東。閣。以。尊。賢。刑。戮。非。宜。秦。帝。阬。咸。陽。面。
殺。士。綈。袍。有。贈。却。知。舊。愛。猶。存。醴。酒。不。來。吏。覺。新。恩。寢。
薄。左。提。戈。右。取。印。曹。國。華。終。身。事。業。已。覩。週。歲。恢。弘。右。
舉。杯。左。持。螯。畢。吏。部。率。爾。行。藏。且。得。一。生。快。樂。

史記廉頗負荆謝蘭相如之罪。韓文公答陳商書

齊王好竽。有求仕于齊者。抱瑟而往。三年不得入客

曰。王好竽。而子鼓瑟。瑟雖工。如王不好。何。漢侍中

刁存。口臭。桓帝出雞舌香與含之。存以為帝賜之毒

藥。歸家泣之。友人求藥視人曰。此雞舌香也。蔡公

見水。世說習鑿齒。襄陽人。孫盛。太原人。孫語習曰。

蠢爾蠻荆。敢與大邦為讐。習復云。薄伐獫狁。至于太

原。世說王文度。范榮期。俱為簡文所重。范年大而

位小。王年小而位大。王或有時在范後。王曰。簸之揚

之糠粃在前范曰泚之汰之沙磧在後韓子魏麗

共與太子質于趙恐趙王之信讒也謂王曰一人言

市有虎王信乎曰否共曰二人言市有虎王信乎曰

否共又曰三人言市有虎王信乎曰信之矣共曰市

本無虎而三人言之則成願王察之井底蛙漢

應驩隱淮南山與四皓俱徵四皓往驩獨不出人語

曰商山四皓不如淮南一老漢以叔孫通制禮徵

魯諸生魯有兩生不肯行原毛五采漢書田蚡

怒韓安國口何爲鼠首兩端鼠性多疑每出穴一

進一退故云

毛遂事詳賓主

史記曹丘生曰楚諺曰得

黃金百斤不如季布一諾足下何以得此聲于梁楚

間哉唐史黃巢出師夢兩尾牛解者白牛兩尾失

字也恐行軍不利果然宋王君炳二子赴秋試夜

夢有人持竹一株與種之解者曰二郎君俱中選矣

竹字兩個也果俱選

銷魂橋羊也哩

晉書羊祜守襄陽

有功德及民既死塋於峴首山望其碑者輒墮淚人

謂之墮淚碑

峴胡典切賢上声

王符論云一犬吠形百犬

吠聲柳子厚表云吏奸難治知射影之無端口語

橫生信吹聲之可畏 樂城集云衆口效尤一人道

好千人道好 唐書祿山反顏杲卿罵曰黠狗朝廷

何負于汝而汝反耶祿山怒截斷其舌杲卿含忍而

死 楚辭吾令鳩爲媒兮鳩告予以不好鳩媒謂

史記樂羊爲魏文侯將攻中山三年拔之文侯封之

靈壽羊曰臣攻中山有謗臣于王者謗書盈篋大王

不信之故臣得拔中山此非臣之功也大王之功也

後漢郭林宗名重京師士爭歸之載刺常盈車刺

也 唐文粹云于木隱而河西美李陵降而隴右慚

漢書公孫弘爲武丞相。常開東閣以延賢人。其館

有欽賢館。翹材館之名。通鑑

阮諸生四

百六十餘人於成陽。

綈袍詳後衣服
禮酒詳前賓主

趙宋曹彬

字國華。試過之日。左手提戈。右手取印。餘無所取。

世說畢卓字茂世。爲中郎。嘗謂人云。一手持蟹螯。

一手持酒杯。拍浮酒池中。便足了一生。蟹音致
蟹大足

人事二

莫○莫○休○休○辭○云○禁○止○匆○匆○袞○袞○義○曰○倉○皇○藉○一○葉○濃○陰○
可○資○覆○蔭○擴○萬○間○巨○庇○盡○屬○帡○幪○人○有○一○天○我○有○二○天○
更○是○大○恩○之○亭○毒○河○潤○百○里○海○潤○千○里○乃○爲○渥○澤○之○沾○
濡○退○我○一○步○行○固○安○樂○法○迺○人○三○個○好○真○喜○歡○緣○禮○重○
敬○賢○徐○孺○下○陳○蕃○之○榻○事○下○報○德○趙○公○倒○靈○輒○之○戈○干○
城○將○社○稷○臣○總○爲○美○譽○糞○土○臣○牛○馬○走○悉○是○謙○辭○李○長○
源○黃○臺○瓜○辭○默○存○諷○詠○范○又○正○碧○甕○壘○賦○微○露○生○平○握○
拳○透○爪○是○忠○精○洗○垢○索○瘡○爲○刻○薄○衆○口○鑠○金○積○毀○銷○骨○

鄒陽喻肆譖之烽。炎寸雪。點日尺。霧障天。唐主弘。審讒之。度量見人多。褒貶豈非反。褒陽秋。待物有高低。却是眼中青。白深嘉王粲。斥縮倒屣趨迎。不直董公氣。揚揚佩刀橫。揖囚酒。星于天獄。曾觀斷飲之嘉言。泣馬角。于秦庭。又見還鄉之異事。捧漏甕而沃焦釜。寧有閒工。因勁風而摧枯枝。更無八力。眼中淚。心中事。意中人。相思一段。搗三折。編三絕。書三滅。好學十分。肆讒掩鼻。楚姬甚是奸心。藏拙沉文。徐陵却有厚道。戶爲午門。題鳳。規親規友之隱言。磨楷來刀。割梨見子。見夫之異夢。

唐司空圖云休休莫莫伎倆難多性靈惡 杜詩相

逢難袞袞告別莫匆匆

袞袞不安
欲去之貌

唐鄭太穆爲刺

史時致書于司空頡曰分于樹一葉之影卽是濃陰

瀛洲有影木日中視之一葉百影 杜甫歌云安

得廣厦千萬間大庇天下寒士皆歡顏 後漢蘓章

遷冀州刺史故人爲清河太守章行部按其奸贓太

守爲設酒殺陳平生之好甚歡太守喜曰人皆有一

天我獨有二天章曰今日蘓孺文與故人飲者私恩

也明日冀州刺史按事者公法也遂舉正其罪 翰

苑新書云大德帡幪人有一天我有二天厚恩滂沛
河潤百里海潤千里。蕪子瞻詩退一步行安樂法
說三個好喜歡緣。後漢陳蕃爲豫章太守郡人有
徐孺子者蕃特設一榻待之孺子去其榻復懸。左
傳趙盾田於首山舍于翳桑見靈輒食之牛肉旣而
晉侯伏甲攻盾提彌明負之出公嗾大獒彌明死之
厥倒戈以禦公徒而免之問其名曰翳桑餓夫也
其詳英賢 隋伐高麗高麗主上表稱糞上臣隋王
哀之遂罷兵。太史公稱牛馬走猶謂人掌牛馬之

僕 唐肅宗紀上因張良姊之譖殺建寧王懷李泌

引武后事諷諫述黃臺瓜辭曰種瓜黃臺下瓜熟子

離離一摘使瓜好再摘使瓜稀三摘猶爲可四摘抱

蔓歸今陛下已一摘矣慎毋再摘上愕然 范仲淹

莖賦云陶家甕裏淹成碧綠青黃措大口中嚼出官

商角徵 握拳透瓜 詳倫行篇 唐魏徵疏云今之刑賞或由

喜怒怒則洗垢索瘢謂洗開塵垢求瘢痕也 漢鄒

陽傳衆口鑠金積毀銷骨 唐太宗紀段志冲上封

事請上致政于皇太子長孫無忌請誅志冲上手詔

曰朕若有罪是其直也。若無罪是其狂也。譬之尺霧障天，不虧于大寸雲點日，何損于明？晉褚裒字季野桓彝曰：季野皮裏陽秋，言其外無臧否，而內有褒貶也。謝安曰：裒雖不言，而四時之氣備矣。阮籍能爲青白

服詳後形體第二篇

後漢蔡邕入報云：王粲至門候謁，邕遽

起倒屣迎之，曰：此土公孫有異才。後漢董卓欲廢

帝，立陳留王，袁紹曰：公廢嫡立庶，恐衆不從。公議也。

卓謂紹曰：豎子天下事，豈不由董公？爾謂卓之刀不

利耶？紹曰：天下健者豈惟董公？佩刀橫揖而去。庾

聞斷酒誠云、椎金壘碎玉、枕破兕觥、損觚瓚、四酒星
于天、獄焚醉籍于秦坑、史記燕丹質于秦、秦留之
曰、馬生角、烏頭白、放汝還丹、泣於天、馬乃生角、烏乃
頭白、秦不得已、遣之、史記秦伐趙、趙請救于齊、其
臣周子曰、今日亡趙、明日患及齊、救趙之務、宜若捧
漏甕而沃焦釜也、漢書兵勢之疾、如因勁風而掃
枯枝、張子野詩句、有眼中淚、心中事、意中人之語、
自號張三中、孔子世家、孔子晚喜讀易、鐵樹三折、
韋編三絕、漆書三滅、

槌音

說苑、魏遺楚王美人、楚

王悅之鄭夫人謂美人曰王甚愛子然惡子之鼻見
王必掩之美人從之王問夫人曰美人見寡人必掩
鼻何也對曰似惡王之鼻者王曰悍哉卽令剗之
世說梁遣徐陵聘齊齊錄魏收文字遺之令傳之江
左陵過江閱之無甚奇乃沉于水曰吾爲魏公藏拙
談林昔有訪友者友不在題午字于戶識者曰午
字牛不出頭也晉嵇康有友訪之值康外出題鳳
字于門嵇歸曰鳳字凡鳥也異夢錄有一婦失夫
寄食于尼夢人使磨麥尼解之曰磨麥見夫面也果

得聚首又一人登舟失子夢與子分梨心甚快快解
者曰梨開見子也未幾子果至

人事三

鷦鷯一枝。頗知自足。狡兔三窟。更識多謀。先事預防。曲突徙薪。猶可聽當。機不惑中。流砥柱孰能移。獻遼東之丕。空自矜誇。爲轅下之駒。不勝局促。放梟囚。鳳虐仁而從暴。奚爲用。蜎投魚得重。而棄輕。固爾。薛起懷三恨。素志忡忡。楊震畏四知。寸心皎皎。流俗中立異。豈勝衆楚之咻。忿心處招尤。又是一秦之患。虎皮羊質。却屬虛文。梔貌蠟言。正爲詐術。譖言數至。宜乎曾母投杼。謀畧未臧。是以留侯借箸。中心悅服。彬彬諸子。樹降旗外貌莊。

嚴隱隱一夫爲敵國害人常肆惡誰不曰腹險有戈枉
已不知羞正所謂顏厚如印出言隨改定知口有雌黃
比衆最良竟是眉多雪白燭火雖無大明之耀鉛刀竟
有一割之能有懷仰慕劉秀才徒步歸韓不盡揄揚楊
祭酒逢人說項鰲鼠之依社稷自覺堅牢蒙鳩之托葦
苕寧知柔弱入班超之虎穴偏從危險處立功名登李
膺之龍門更向尊榮中增聲價謹言志士三緘口諒彼
寡尤送別離人百結腸想渠多恨寧爲雞口毋爲牛後
更知烈士有剛操只作秋霜不作檻羊始信貞夫無靡

節鏤雕桃梗。嘲譏土偶。是何爲。刻畫無鹽。唐突西施。應可笑。密言。舐我采媚。須防冷語。外人奸諛。莫耐士窮。魄落。上天而欲借以風。誰肯吹噓。友薄情乖。下井而猶投之石。大堪嗚咽。

莊子。鷦鷯巢林。不過一枝。戰國策。馮驩謂孟嘗君曰。狡兔有三窟。今君有一窟。未得高枕而臥。臣請爲君復鑿二窟。漢書。霍氏奢侈。徐福三上書。輒報罷。後霍氏誅滅。告者皆封。人爲徐福上書云。客有見主人。竈直突。旁有積薪。請更突。徙其薪。不然。有火患。主

人不應。俄果失火。隣里共救得息。殺牛置酒。謝灼爛者。而不錄言曲突者。人謂主人口曲突。徒薪無恩澤。

焦頭爛額爲上客。

砥柱詳前地理東豕詳後畜產

漢紀武帝怒

鄭當時曰。公平生數言魏其武安長短。今日廷論局促。效轍下駒。

後漢劉陶傳云。陳耽上言。今公卿所

舉。所謂放鴟梟而囚鸞鳳。六朝傳綽以詩五十韻。

示薛道衡。道衡和之。南北稱美。魏收曰。綽所謂以蚓

投魚耳。隋唐佳話。薛元超嘗謂人曰。吾平生有三

恨。不以進士擢第一。一恨不娶五世之女。二恨不得

修國史三恨

後漢楊震爲荊州刺史舉王密爲茂

才除昌邑令震復爲東萊守密夜懷金十斤遺公且

曰暮夜無知公曰天知地知子知我知張耳傳陳

王勝欲族武臣等家相國房君曰秦未亡又誅武臣

等家此又生一秦也楊子羊質虎皮見草而悅見

豺而戰言有虛文無實節也柳子鞭賈文富者以

錢五萬買鞭曰愛其黃而澤也童子以湯濯之則枯

而白矣蓋黃者施也澤者蠟也今之施其貌蠟其言

其賈技于朝者多矣國策秦甘茂曰人有與曾參

同姓名者殺人。人告其母曰。曾參殺人。母曰。吾子不殺人。織自告。少頃。人又曰。參殺人。母又織自告。三告之。其母投杼而走。漢王與酈食其謀。欲復立六國。後張良知之。會漢王方食。良曰。請借前箸爲王畫之。

皇甫湜手帖云。鄭堂特高古風。敢樹降旗。謂是之。

溪堂詩也。吳漢爲人質厚。少文造次。不能以辭自

達。光武曰。吳公隱若一敵國。朴甫腹吟
詳形體篇唐王光

遠。好下索權豪。或遭撻辱。畧無改悔。人謂其顏厚如

十重甲。晉王衍善談老莊義理。有所未安。隨即更

文人號爲口中雌黃

曰眉詩
英賢篇

唐文粹大明一出

燭火無光

大明謂日

晉以譙王承爲湘州刺史行至武

昌王敦與之宴謂承曰足下雅素佳士恐非將相材也承答曰公未見知耳鉛刀豈無一割之用唐劉

又傳又聞韓退之容接天下士徒步歸之南部新

書楊祭酒贈項斯詩云幾度見君詩盡好及觀標格

過於詩平生不解藏人善到處逢人說項斯漢中

山靖王傳社鷖不灌稷鼠不攻所托然也荀子蒙

鳩以羽爲巢而編之以髮繫之章莒風至荅折卵破

子死巢非不完也。所繫弱也。

漢班超以三十六人

使邊曰不入虎穴焉得虎子。

世說李元禮風格秀

整高自標持欲以天下名教是非爲已任後進之士。

有升其堂者皆以爲登龍門。家語孔子觀周廟有

金人焉三緘其口而銘其背曰古之慎言人也。燕

子由詩苦哉離別思結我腹中腸。戰國策燕秦說

韓曰寧爲雞口毋爲牛後以大王之賢挾疆韓之兵

而有牛後之名竊爲大王羞之。漢光武崩廣陵王

荆作飛書與東海王曰寧作秋霜不爲檻羊。蓋秋霜殺物檻

羊受制於人也

戰國策孟嘗君將入秦燕代止之曰臣來

溜上見桃梗謂土偶人曰子西岸之土也挺子以爲

人。降雨下溜水至汝。燒矣。土偶曰子東園桃梗爾刻

削爲人。降雨下溜水至子漂矣。今秦若虎口。君入之。

臣不知所出矣。晉庾元規語周伯仁曰。諸人皆以

君方樂廣。周曰。何乃刻畫無鹽。唐突西施耶。無鹽齊之醜婦

周顗謙言以我比廣。卽如雕刻無鹽對西施也。天祿外史。孟蜀與潘在廷

以財結權要。或責之。孟答云。非藉是求援。不欲其以

冷語冰人爾。杜子美詩。揚雄更有河東賦。惟待吹

噓送上天。唐韓文公撰柳子厚墓誌云、今夫平居里巷相慕悅、酒食遊戲相徵逐、詡詡強笑語以相取下、笑握手出肺肝相視指天日泣涕、誓生死不相負、真若可信。一旦臨小利害、僅如毫髮比反、至若不相識、落陷穽、不一引手救、反擠之、而又下石焉者、皆是也。此宜禽獸所不忍爲、顧其人自視以爲得計、聞子厚之風、亦可少愧矣。

傷逝

人。既。有。生。孰。能。無。死。鄭。玄。算。促。已。知。歲。在。龍。蛇。賈。誼。命。
傾。自。覺。日。斜。庚。子。紀。姓。名。乃。登。鬼。籙。去。束。縛。如。解。天。駘。
恨。切。林。臯。惜。木。風。之。不。靜。歌。傳。海。島。感。薤。露。之。易。晞。義。
士。云。亡。碧。化。萇。弘。之。血。忠。臣。既。溺。些。招。屈。子。之。魂。青。松。
宅。千。古。淒。涼。長。夜。臺。百。年。岑。寂。夢。驚。炊。臼。喪。妻。實。有。異。
符。情。切。鼓。琴。泣。弟。寧。無。至。痛。願。雍。失。愛。子。搢。掌。而。流。血。
堪。矜。奉。倩。殞。佳。人。擗。淚。而。傷。神。可。惜。哀。悲。椿。樹。折。門。人。
因。廢。蓼。莪。詩。修。泣。萱。花。殘。鄰。里。爲。收。桑。柘。社。沈。君。開。窀。

窆地中曾現漆燈王令出塵寰天上俄垂玉樹生孝死
孝人情自爾攸殊小祥大祥喪制原來有別恨繡魚之
未長裴晉公死猶不甘識陶犬之無禪金樓子莖殊有
理酌之絮酒實爲佳士高風殉以芻靈乃是先人樸典
作誄文四十輩必郗超之素行可嘉行吊禮三萬人唯
陳實之嶽嶽足錄

鄭玄夢孔子告之曰起起今年歲在辰明年歲在巳
既寤以識合歲知命當終識云歲在龍蛇賢人差遂
寢疾而卒賈誼爲長沙王仲有鵬飛八舍作賦云

四月孟夏日斜庚子鵬集予舍止于座隅。諗竟卒焉。
魏文帝與吳質書。昔年疾疫。親故多罹其災。觀其
姓名已登鬼錄。莊子人化而死。解其天燬。墮其天
表。言解其束縛也。春秋時。旱魚遊於外。及歸。父母
已死。向林臯而哭。孔子問其故。答曰。樹欲靜而風不
寧。子欲養而親不在。遂哭而死。田橫既死。門人隨
柩而哀。作挽歌云。薤上露何易晞。露晞明朝猶復落。
人生一去何時歸。蒿里誰家地。聚歛精魄無賢愚。鬼
伯一何相催促。人命不得少踟躕。李延年分薤露送

王公貴人蒿里送士大夫庶人使挽者歌之莊子
外物篇人主莫不欲其臣之忠而忠未必信故伍員
流于江萇弘死于蜀藏其血三年而化爲碧事文
類聚屈原被放而死弟子宋玉作招魂曰光風轉蕙
汜崇蘭些○些語辭宋玉招魂語末皆云些故挽歌
曰哀些些校青松宅長夜臺皆謂墳墓西陽雜
俎江淮王生善卜賈客張瞻將歸夢吹自中間王生
生曰君歸不見妻矣白中吹無釜也瞻歸妻已卒
晉書王獻之死徽之入坐靈牀上取獻之琴彈之音

律不調擲地哭曰子敬子敬人琴俱亡因慟絕良久
月餘亦卒。世說豫章太守顧劭顧雍之子劭在郡
卒計書至雍以爪指掌血流沾褥嘆曰已無延陵之
高豈可有喪明之責耶。魏荀粲字奉倩娶曹洪女
有姿色妻亡不哭傷神撫膺嘆曰佳人難再得未幾
奉倩亦卒。王東字偉元父儀爲司馬所殺及設教
每讀詩至蓼莪篇曰哀哀父母生我劬勞未嘗不嗚
咽門人遂爲之廢此詩。王修事許尉令左傳楚共王病
告諸大夫曰孤獲保首領以歿于地惟是春秋窀穸

之事

電厚也安夜也春秋謂祭祀長夜謂埋墓

唐沈彬近居阜上有一

大樹曰吾死可塋于是旣死臨塋穴乃一古塚中有

漆燈銅牌篆云佳城今已開雖開不塋埋漆燈猶未

滅留待沈彬來晉王喬爲葉縣令將死有一玉棺

自天而下喬曰上帝召我矣遂沐浴更衣入玉棺而

卒世說王戎和嶠俱居父塋喪王雞骨支床和哭

泣備禮武帝問劉仲雄言和可哀仲雄曰和雖備禮

神氣未損也王雖不備禮而哀毀骨立臣以爲和嶠

生孝王戎死孝陛下不必憂嶠而應憂戎唐裴晉

公臨終謂人曰。午橋庄松雲嶺未成。軟碧池。鱸魚尾。未長。漢書未終篇。爲可恨耳。梁金樓子曰。吾亡。可以孝經一卷。道德經一帙。華陽劍一口。自隨。外此若瓦雞。無司晨之益。陶犬無守夜之警。慎毋以此爲墓上物。後漢徐孺子於人家有喪。炙雞一隻。以綿絮漬酒。直至靈所。滴酒以雞奠之。奠畢而去。並不問主人。晉書。郝超死之日。士大夫操筆爲誄者四十人。後漢陳實卒。海內赴吊者三萬餘人。制麻者以百數。共刊石立碑。諡文範先生。

傷逝二

萬事風燈九原草。露丈夫事已定。方可闔棺。賢士命將終。正當易簀。袁淑以卦占而卒。事則先知。少游因詩識而亡。數皆前定。冥司非廣漠。顏回脩地下之文。天府正清虛。李賀作樓中之記。雷轟寢室。劉器之遽爾無生。星墜營中。蜀丞相忽然不祿。蚤卒。管公明不見男婚女嫁。忽奄衛叔寶。堪憐棟折梁摧。仲尼旣殞。山頽果見哲人。姜韓相云亡。樹稼曾聞達官。怕作文未完稿。陸平原應動餘悲。殉塋有遺言。魏武子實非治命。風蕭蕭兮塵黯

黯馬嵬。縊死楊妃。烟淡淡。兮浪悠悠。湘水沉埋屈子。梁
鴻墓。要離塚。側死後芳鄰。鄭泉殯。陶家舍。傍生前宿願。
聞名金粟。固爲唐主墓區。地曰虎丘。更是吳王殯所。楊
家之窀穸。曾致大禽。陶母之丘陵。却來異鶴。謝安薨而
雞入夢。預兆昭然。賈誼沒而鵬止。隅先機炳若。虞翻以
青蠅作吊客。可知憤懣之辭。莊子以萬物爲送資。足認
誕虛之見。一束生芻。吊人徐穉。惟因德雨。行血淚哭母。
高柴不是愚。篋中存稿。相如上封禪之書。牖下停棺。史
魚表陳屍之諫。死諸葛走生仲達。雖生而猶畏死死姚。

崇○算○生○張○說○既○死○而○能○料○生○猗○歟○奇○男○子○死○來○頗○作○鬼○
雄○偉○哉○烈○丈○夫○化○處○更○騎○箕○尾○

萬○事○風○燈○二○句○乃○唐○人○語○韓○詩○學○而○不○已○闔○棺○乃○
止○晉○劉○毅○云○丈○夫○闔○棺○事○方○定○檀○弓○曾○子○疾○童○
子○隅○坐○而○執○燭○曰○華○而○皖○大○夫○之○簀○與○曾○子○曰○然○斯○
季○孫○之○賜○也○乃○命○曾○元○起○易○簀○反○席○未○安○而○沒○唐○
袁○淑○遇○異○人○付○之○書○曰○每○受○一○命○開○一○幅○累○任○皆○驗○
一○日○巾○櫛○見○鏡○中○有○蛇○尋○疾○餘○面○尚○多○開○一○函○乃○畫○
蛇○盤○鏡○遂○卒○秦○少○游○嘗○作○詞○末○句○有○云○醉○臥○古○藤○

樹下杳不知南北。後左遷滕州而卒。乃于詞有驗云。
王隱晉書。蘓韶已死而甦。其弟節問地下事。韶言。
顏淵卜商俱爲地下脩文郎。唐李長吉將死時。忽。
晝見一緋衣人。駕一赤虬。持一版書。上皆太古篆文。
其人曰。帝成白玉樓。立名君爲記。尋卒。言行錄。劉。
元城器之死時。忽大風驟雨如注。雷電晝晦於公正。
寢。及雨止。辨色。公已終矣。人咸異焉。蜀志有赤星。
而芒角。流諸葛管壘中。俄而亮卒。魏管輅字公明。
謂弟辰曰。天與我才。不與我壽。恐四十上下不見女。

嫁男娶也。及卒，止四十八。晉衛玠，字叔寶，一日死，
謝幼輿嘆曰：棟折梁摧，能無慟乎？檀弓：孔子蚤作，
負手曳杖，逍遙於門，歌曰：泰山其頽乎？梁木其壞乎？
哲人其萎乎？既歌而入，子貢聞之曰：泰山其頽，則吾
將安仰？梁木其壞，哲人其萎，則吾將安放？夫子殆將
病也。蓋寢疾七日而沒。唐書：寧王目疾，引諺語：樹
木稼，達官怕。必大臣當之。吾其死矣。果然。王荊公
挽韓魏公詩云：樹稼曾聞達官怕。山頽果見哲人萎。
唐陸平原臨死曰：窮通時也。古人貴立言以爲不

朽吾所作書未成。以此恨爾。左傳晉魏武子有嬖
妾無子。武子疾。命嬖曰必嫁之。疾病則曰必以爲殉。
及卒。嬖嫁之。曰疾病則亂吾從其治也。唐書祿山
反。明皇西幸。至馬嵬驛。軍士怨望。以爲名亂者楊國
忠貴妃也。不肯進。侍臣曰。軍士有變。奈何。上不得已。
殺國忠。以貴妃縊死。屈平忠於楚。懷王因人之譖
而放逐。平乃自沉於汨羅江而死。後漢梁鴻疾而
死。阜伯通求塋地于要離塚旁。咸曰。要離烈士而伯
鸞清高。可令相近者。吳志鄭泉性嗜酒。臨卒。語同。

輦曰必葬我陶家之側庶百歲之後化而成土幸見
取爲酒盃實獲我心唐玄宗出幸見金粟岡有龍
盤鳳翥之勢謂侍臣吾萬歲後宜葬此及升遐羣臣
乃依旨葬焉春秋時吳王闔廬死葬國西銅棺三
重水銀爲池金玉爲鳧雁槃郢魚腸具在葬後三日
金精之氣上騰化爲白虎踞其墳因名虎丘吳王
二劍漢書楊震死臨葬有大鳥棲于墓前數日不
去晉陶侃母死臨葬有二客來吊儀容俊偉侃延
之坐於墓廬疑其非常人也及出戶使童覘之化雙

鶴冲霄去。謝安疾謂人曰。昔吾夢乘溫輿行十六里。覩一白雞而止。吾意乘溫輿者。代溫任也。十六里。今十六年。白雞主酉。今太歲在辛酉。吾疾不起乎。葬。
賈誼詳前日
斜庚子句內 吳虞翻放棄。謂人曰。白恨疏節。骨體不媚。犯上獲罪。當長沒海隅。生無可與語。死以青蠅爲吊客。足以不恨耶。莊子將死。弟子欲厚葬之。莊子曰。吾以天地爲棺槨。日月爲連璧。星辰爲珠璣。萬物爲齋送。吾葬具豈不備邪。何以加此。弟子曰。吾恐烏鳶之食夫子也。莊子曰。在上爲烏鳶食。在下

爲螻蟻食奪彼與此何其偏也。郭林宗母死徐孺子往吊置生芻一束於廬前而去。或問其故林宗曰此必南州高士徐孺子也。詩不云乎生芻一束其人如玉吾無德以當之。家語子羔母死泣血三年未嘗見齒。漢司馬相如既病天子使使者往取其書使至相如死妻曰長卿未死時有一卷書使者求書奏之乃言封禪事。衛靈公寵彌子瑕疎蘧伯玉史魚以不能進賢退不肖爲耻既死猶以屍諫之。蜀志孔明死遺命令姜維護屍歸蜀司馬懿追之見其

反旗向鼓不敢追而走人語曰死諸葛走生仲達
世說唐姚崇與張說同爲宰輔各懷疑阻張銜之崇
病戒諸子曰張與吾有隙然其人奢侈尤好服玩吾
沒後來吊汝盛陳吾平生服玩彼若寘目悉賫送之
遂以神道碑請稿成卽刊刻張料事遲後必有悔諸
子如其教其碑文畧曰八柱承天高明之位列四時
成歲亭毒之功全時謂極筆後果求稿改之姚氏諸
子引使者視其碑仍告以奏御使者復命張悔恨
膚曰死姚崇能算生張說吾今日方知才之不及遠

矣。文選。屈原國殤云。身既死神。以靈予魂魄。今爲
鬼雄。事文類聚。傳說孕箕尾而降生。及死。其精神
乘東維。騎箕尾。故天上有傳說星。宋趙鼎之死。目挽
云。生騎箕尾歸天上。氣作山河壯本朝。本此。

蘭雪堂古事苑定本卷之七

饒安 鄧志 纂輯 南一 編輯

戴 珉 潔澄

西泠 戴 璉 瀾石 參定

戴 琰 師曾

文章

竹素輝瑩芸編走蠹九丘八索九州八澤之書五典三墳五帝三皇之帙道德五千字著自老君毛詩三百篇刪於孔子牙籤拍塞橫甲乙丙丁四庫之全細帙充盈

萃○秦○漢○宋○唐○列○朝○之○盛○麟○筆○大○裨○於○文○士○豹○韜○深○利○於○
武○夫○二○酉○書○開○墨○香○猶○潤○三○都○賦○就○紙○價○遂○高○長○蛇○生○
馬○之○文○最○難○措○手○硬○弩○枯○藤○之○字○未○易○揮○毫○富○學○如○薛○
收○偏○向○馬○頭○前○草○檄○豪○吟○如○鄭○學○還○從○驢○背○上○成○詩○擅○
美○譽○於○詞○場○禹○錫○詩○豪○山○谷○詩○伯○著○英○稱○於○藝○圃○伯○英○
草○聖○子○玉○草○賢○韓○愈○文○奇○日○光○而○又○玉○潔○右○軍○筆○健○虎○
臥○而○復○龍○跳○八○行○書○言○言○委○曲○三○尺○法○字○字○威○嚴○宋○之○
問○詩○句○豪○騷○奪○武○后○鮮○袍○之○錦○歐○陽○詢○筆○踪○遒○勁○來○異○
方○重○幣○之○金○土○牛○賦○誰○不○稱○奇○孤○鴈○詩○人○皆○道○美○雕○龍○

繡虎可知並駕儒林紫蚓縮蛇雅識獨雄法苑至若輕
縑細細儘堪列學士之林他如衲被重重恐未屬名家
之筆驚人鳴方爲傑作點鬼簿還是小疵

漢劉向爲成帝典校書籍先書竹刊定其上名竹素

芸香草可辟蠹故曰芸編古詩芸葉薰香走蠹魚
淮南子以八澤之志爲八索九州之志爲九丘

少昊顓頊高辛唐虞之書爲五典伏羲神農黃帝之
書爲三墳墳大也三墳者山墳地墳形墳也山墳
言君臣民物陰陽兵象地墳言歸藏發動長育生殺

形。墳。言。天。地。日。月。山。川。雲。氣。卽。伏。義。神。農。黃。帝。之。書。

魯國毛亨爲詩訓詁。以授趙國毛萇。時人謂亨爲

大毛公。萇爲小毛公。故詩曰毛詩。唐玄宗兩都各

聚書四庫。以甲乙丙丁編爲號。次甲經書。赤牙籤。乙

史書。綠牙籤。丙子書。碧牙籤。丁集書。白牙籤。唐貞

觀中。顏師古爲秘書監。書序云。文人才子。名溢於經

囊。飛文染翰。卷盈於細帙。麟筆謂春秋。太公六

韜。所謂龍韜。虎韜。豹韜。犬韜。文韜。武韜。前地理

晉書。左思字太冲。作三都賦。洛陽士大夫家競相傳

寫紙價遂騰貴。唐孫樵書王川子月餘歌韓吏部

進學解。拔地倚天。句句欲活。讀之如赤手捕長蛇。不

施鞍勒。騎生馬。王川子盧全號晉鍾繇弟子宋翼善書。畫

一戈如百鈞。硬弩作一直。如百歲枯藤。作一放縱。如

驚蛇投水。唐書薛收在秦王府。嘗於馬頭前作檄

文。皆如宿構。詩話或問鄭絳詩思。答曰在灞橋風

雪中。鹽子背上。唐劉禹錫放誕不拘。時人謂之詩

豪。詩話云黃魯直分安人。為江西詩伯。亦云詩祖。

晉張芝字伯英。嘗臨池學草。池水盡黑。及藝成。章

仲將稱之爲草聖

唐崔瑗字子玉學章草極工士

人宗之目爲草賢

漢馬融與竇尚書曰昨孟陵奴

來賜書見手跡書雖一紙八行七字七八五十六字

百一十二言耳

唐杜則傳客謂杜周曰君爲國決

平不循三尺法

三尺者以竹簡三尺爲法律也

奪花詩英賢篇

法書苑

歐陽詢爲書筆力險勁爲一時之絕高麗王遠使賁

金求之高宗嘆曰詢之書名遠播乃爾南唐江文

蔚作土牛賦云飲渚倘臨訐盟津之捧塞度闕若許

疑函谷之九封人競傳之

孤鴻詩見百禽

漢鄒爽文若

雕龍故曰雕龍夷曹子建才思藻炫更敏捷人號
爲繡虎書斷蕭子雲善草書行行若紫春蚓字字
若綰秋蛇唐張九齡之文章如輕縑素練實濟時
因呂氏家塾記楊文公爲文所用古典常令子姪
檢其出處每段用小片紙錄寫綴粘所錄而參入之
時目爲衲被重重陳后山詩語不驚人死不休
唐駱賓王爲文好用數目字時號算博士楊州爲文
好以古人姓名點綴時號點鬼簿

文章二

制作云經著述曰傳。三墳爲金玉。價重文林。五典是琴
箏。聲高藝苑。五禮六樂。豈涉彌文。三易四詩。盡含雋味。
縹囊紺帙。喜聞秘省之充盈。汗簡牙籤。樂覩麟臺之拍
塞。石渠天祿。無非貯史籍之場。道觀蓬萊。悉是藏簡編
之所。林宗之第五千卷。儘堪嚼實咀華。張華之府三十
乘。雅可薰香摘舍。書巢中許多逸帙。學海內無限奇編。
王修常時。剔蠹蟬文。通幾度汗牛馬。家傳不替。允爲後
裔之箕裘。心學相承。孰謂聖人之糟粕。魯爲魚。祭明不

謬帝作虎考正無訛孫敬勤渠曾說寫時編柳更生敏
悟更聞校處燃藜牛角上英雄掛以一編驢背前公子
載之兩笈聖賢心蘊借還何妨川二額天地文章收貯
還須分四庫匡衡說詩明朗多士解頤殷浩論易玄微
有人箝口鍼膏肓發墨守起廢疾鄭康成別創一家言
閔離騷誦鴻烈味南華盧子發互明諸子秘
張華博物志云聖人制作曰經賢人著述曰傳抱
朴子退隱之士以三墳爲金玉五典爲琴箏講肄爲
鐘鼓百家爲笙簧五禮謂吉禮凶禮軍禮賓禮士

禮 六樂謂雲門大咸大韶大夏大濩大武 三易

夏曰連山易商曰歸藏易周曰周易 四詩謂風雅

頌 吳祐傳注古人寫書用竹簡其簡用火炙令汗

出拭去其汗易書復不蠹故云汗簡 麟臺藏書之

所 石渠天祿 詳後宮室 華嶠後漢書云東觀乃藏書之所

學者或稱為老氏藏室道觀蓬萊 郭林宗別傳云

郭泰字林宗家有書五千卷歷覽之河南尹李膺一

見大奇之遂相為友時號李郭 晉張華好書籍嘗

徙居載書三十乘凡天下奇秘世所未有悉在華所

時朝廷校書必向華家取證華由是博學人莫與京也。陸務觀既老作書室號書巢。漢書謂鄭康成爲經神何休爲學海。魏王脩有書數百卷甚愛之不十日尋蠹剔之。蟬卽蠹也。蟬音事文類聚陸文通家多書未徙居則其帙充棟既徙居其牛馬負之皆汗。莊子桓公讀書於堂上輪扁斲輪於堂下釋椎鑿而上問曰公之所讀者爲何言耶。公曰聖人之言也。曰聖人在乎。公曰已死矣。曰然則君所讀者古人糟粕耳。抱朴子云書誤寫有以魚爲魯以帝爲

虎。楚國先賢傳云孫敬編柳簡以爲經本晨夕誦
習之。漢劉向校書天祿閣夜有老人植青藜杖以
進曰我太乙精也聞卯金子好學下而觀焉於是吹
杖端火照向讀書。唐李密以蒲羈乘牛掛漢書一
帙於角上行且讀楊素過而見之大奇曰此有志英
雄也。後漢李固父邵爲司徒固改易姓驅驢子負
書兩笈遠從其師。集韻云古人借書餽酒一甌還
亦餽酒一甌山谷云不辭借我千卷他日還君一甌
甌酒器後人以甌爲癡遂謂借書一癡還書一癡夫

借書還書理也何癡之有。紙音 四庫詳 漢匡衡

字稚圭深明經術諸儒爲之語曰無說詩匡鼎來匡

說詩解人願世說殷浩曾問遠公易以何爲體遠

公答曰易以感爲體殷曰然則銅山西崩靈鐘東應

便是易耶遠公笑而不答漢鄭玄隱修經業時何

休好公羊學遂著公羊墨守左氏膏肓殺梁廢疾玄

乃發墨守鍼膏肓起廢疾休見而嘆曰康成入吾室

操吾戈以伐我乎盧子發曰吾案自經典外屈子

離騷淮南子鴻烈莊子南華是吾平生受用家貲耳

學術

思○逐○風○雲○氣○薰○蘭○茝○倒○翻○滄○海○弄○明○月○之○曜○珠○橫○絕○銀○
河○織○天○孫○之○雲○錦○雄○力○扛○百○斛○之○鼎○肩○拍○莊○騷○英○聲○撞○
萬○石○之○鐘○汗○流○董○賈○筆○下○珠○璣○正○聲○諧○韶○濩○而○勁○氣○沮○
金○石○古○端○河○漢○深○謀○噴○江○海○而○逸○氣○走○風○雷○胸○中○應○有○
萬○卷○書○筆○下○故○無○一○點○俗○繁○露○篇○人○人○羨○雅○天○窻○賦○士○
士○稱○奇○陸○之○海○潛○之○江○萬○頃○詞○源○汎○湧○班○之○金○賈○之○玉○
一○時○聲○價○騰○高○仲○宣○獨○步○於○漢○南○筆○翻○秋○露○偉○長○擅○名○
於○青○土○藻○揆○春○華○張○衡○二○京○文○灑○灑○然○五○經○鼓○吹○沈○光○

洞庭賦。冷冷。平一片。官商。削。賈壘。短。劉墻。剛。風獨奮。薰
班香。摘。宋艷。雅韻。孤騫。瑰奇。萬狀。翻江。攪海。起波。濤。機
杼。一家。組霧。經雲。成錦。繡。才奇。張祐。時時。以。吻。生。花。學
美江。淹。夜。夜。筆。毫。綴。采。地。負。海。涵。之。蘊。貫。串。百。家。天。清
水。止。之。辭。批。糠。粃。衆。作。帝。謂。琳。琅。散。落。至。煩。雷。電。之。取。將
孰。如。琬。琰。編。摩。要。與。日。月。而。爭。耀。精。神。滿。腹。雪。車。冰。柱
清。高。咳。唾。成。篇。陣。馬。風。檣。敏。捷。妙。句。如。雲。英。才。若。雨。仲
長。統。揆。藻。翩翩。巧。思。躍。鳳。逸。句。翔。龍。韓。退。之。摠。辭。采。采
蘓。仙。文。苑。雋。歐。陽。公。尚。放。出。一。頭。真。老。藝。林。英。朱。夫。子。

且○退○還○三○舍○不○觀○法○言○此○何○爲○哉○一○見○大○巫○當○必○宗○爾○

杜○詩○調○與○金○石○諧○思○逐○風○雲○上○
菹○香○草○也○薜○蘿○別

名○
菹音齒
又音薤韓○退○之○別○趙○子○婆○娑○海○水○南○織○弄○明○月

珠○東○坡○韓○文○公○廟○碑○其○詞○曰○手○扶○雲○漢○分○天○章○天

孫○爲○織○雲○錦○裳○韓○愈○贈○張○十○八○詩○文○章○日○娛○戲○金

石○日○擊○撞○龍○文○百○斛○鼎○筆○力○可○獨○扛○韓○退○之○上○于

相○公○書○故○其○文○章○言○語○與○事○相○伴○烜○赫○若○雷○霆○浩○瀚

若○江○漢○正○聲○諧○韶○濩○勁○氣○沮○金○石○李○白○上○哥○舒○翰

天○爲○國○家○孕○英○才○森○森○戈○戟○擁○靈○臺○浩○蕩○深○謀○噴○江

海縱橫逸氣走風雷

杜甫鶴詩筆下渾無俗胸中

賡有書

西京雜記董仲舒作繁露

南唐江文蔚

作天憲賦云一竅初啟如鑿開混沌之時雨瓦齊飛

類化作鴛鴦之後人爭誦之

西晉傳贊曰機文似

海潘藻如江機謂陸機潘謂潘岳論衡云永平中

神雀集孝明帝詔羣臣作頌百官頌皆比瓦石惟班

固賈逵比之於金玉陳思王與楊德祖書有云仲

宣獨步於漢南孔璋鷹揚於河朔偉長擅名於青土

公幹振藻於海隅德璉發跡於北魏足下高視於上

京人人自謂握靈蛇之珠。家家自謂抱荆山之璧。

孫綽重張衡左思賦。每云三都二京五經之鼓吹也。

張二京賦左三都賦

北夢瑣言沈光有洞庭樂賦。韋岫云此

賦泠泠可聽。真一片宮商也。

泠音陵

賈壘數句詳英賢篇

崔

祐甫文云。文章峻如嵩華。盛如江河。清如秋風。過物

藐不可逮。瑰奇萬狀。乃垂世文也。

瑰音規又音淮

北史祖

瑩以文學見重。嘗語人云。文章須自出機杼。成一家

筋骨。何能與人同生活。

唐張祐爲文時。妻孥喚之

不應。妻責之。祐曰。吾方口吻生花。奚恤汝輩耶。

應音英以

言對問又去聲義同

六朝江淹夢筆毫生五采花自是文學

大進李太白亦然

韓退之樊宗師墓誌其富若生

蓄萬物畢具海涵地負放恣縱橫無所統紀然不煩

繩削而自合也

藝文志云陳子昂之文如天清止

水異人記唐王遠知善易作易總十五卷一日大

雷雨雲霧中一老人叱遠知曰所洩者書何在上帝

命吾攝六丁神取之且曰上方禁文安得在爾處遠

舛跪曰是青丘老人所授也梁蕭統文選序云璇

琰編摩與日月俱明鬼神爭奧唐劉又作冰柱雪

車二詩。示韓愈。愈以爲出孟郊。盧仝。右李賀集陣

馬風檣。

陣馬風檣言聲勢也

仲長統昌言云。妙句如雲。英才

若雨。必如此。乃於文勢不窘耳。李漢韓文序退之

爲文。汗瀾卓蹕。淵泣澄深。詭然如蛟。龍翔蔚然如鸞。

鳳躍。鏘然如鈞。韶鳴日光玉潔。千變萬態。宋嘉祐

二年。歐陽公知貢舉。試官梅聖俞。得蘇軾。刑賞忠厚

之至。論以示公。公驚喜以爲異人。欲以冠多士。疑門

人曾子固所爲。乃寘第二。選復以春秋對義居第一。

公曰。老夫當避此。出一頭地。名賢集云。真西山越

山新居成名其齋曰學易帖云坐看吳越兩山秀默
矣義文千古心朱晦翁見之曰吾且當避此老三舍
論衡楊雄作太玄法言張伯松不肯一觀莊子
云小巫見大巫神氣殫矣

學術二

言○出○口○而○妙○天○下○文○落○紙○而○傳○人○間○語○帶○烟○霞○芳○蕤○馥○
馥○筆○驚○風○雨○清○響○鏗○鏗○撐○腸○五○千○卷○石○渠○向○腹○內○吞○殘○
引○紙○數○萬○言○灑○瀕○自○筆○端○瀉○下○懷○連○城○佩○明○月○掩○奎○婁○
光○飲○墜○露○飡○流○霞○絕○烟○火○氣○層○巖○峭○壁○雅○堪○聳○斯○世○奇○
觀○憂○玉○敲○金○允○可○振○古○人○絕○響○穿○天○心○而○出○月○脇○何○等○
清○新○騎○活○馬○而○捉○長○蛇○不○勝○活○潑○勿○但○謂○韓○陵○一○片○石○
可○共○語○且○當○知○溫○氏○八○叉○手○猶○獨○奇○玃○固○連○珠○襟○懷○落○
落○不○俗○淮南○鴻○烈○翰○墨○字○字○有○香○謝○安○石○之○碎○金○悉○爲○

奇物陸士衡之積玉總屬奇珍燕公謫後詩篇揮毫應
得江山助孫綽山中詞賦擲地頻聞金石聲少室山集
記最佳片箋片玉福先寺碑文可誦一字一縑李白才
華腹內豈無腸是繡王珣學絕夢中應有筆如椽李長
吉奴僕莊騷筆下無一點俗杜審言衙官屈宋胸中有
萬卷書柔媚悅人徐摛宮體呈嬌態恢弘異衆歐公官
樣壯奇觀孟東野之袖蘭盆清益美王子安之腹藁愈
出愈奇李太白吞莊吐騷咳唾翻成珠玉韓退之鞭楊
捷馬精神驅退戈兵余始知舌有風雷筆有神人皆謂

前○無○著○作○後○無○述○子○義○吟○詩○除○瘡○鬼○何○須○妙○劑○金○丹○陳○
琳○作○撒○愈○頭○風○足○當○神○鍼○法○灸○遭○逢○泰○運○果○然○奪○得○錦○
標○歸○識○破○玄○機○誰○許○取○將○金○薤○去○

唐○賈○捐○之○字○君○房○楊○興○曰○君○房○下○筆○言○語○妙○天○下○使○
爲○尚○書○令○勝○五○鹿○充○宗○矣○坡○詩○注○郡○都○督○曰○諸○人○
之○文○猶○山○無○烟○霞○春○無○草○木○李○白○之○文○語○帶○烟○霞○句○
句○動○人○杜○子○美○寄○李○白○詩○云○昔○年○有○狂○客○號○爾○謫○
仙○人○筆○落○驚○風○雨○詩○成○泣○鬼○神○東○坡○詩○撐○腸○拄○腹○
文○字○五○千○卷○學○如○富○賈○在○兼○收○仰○取○俯○拾○無○遺○籌○

唐李白爲文。每一引紙。必數萬言。白嘗謂人曰。請日
試萬言。倚馬可待。杜牧謂李賀之文。懷連城。佩明
月。連城王名。明珠名。楚辭飲木蘭之墜露。神仙傳云。飡流
霞。飲沆瀣。李商隱謂元禎文。飡流霞。飲墜露。絕無烟
火氣。雞跖集。李賀文體。如層巖峭壁。萬仞崛起。人
多效之。韓愈詩云。敲金戛玉。千餘篇。膽吞炙嚼
口傳。皇甫湜。顧況集序云。逸歌長句。駿發踔厲。往
往穿天心。出月脇。意外驚人語。非尋常所能及也。
梁庾信至北方。文士多輕之。信以枯樹賦示。自後衆

稍服時溫子昇作韓陵山寺碑信讀之謂人曰惟有韓陵一片石可共語其餘驢鳴狗吠聒耳而已北夢瑣言溫庭筠工賦每入試作賦八父手而八韻成撫言庭筠作賦未嘗起草一吟一韻場中號溫八吟班固連珠有云公輸愛其斧故能妙其巧明主貴其士故能成其治是以良匠度其材而成大廈明主器其士而成大功西京雜記淮南王劉安撰鴻烈二十一篇字中皆挾風霜晉陽秋云桓公見謝安石作簡文皇帝諡議大嗟賞之擲與坐上諸客曰

此安石碎金也。晉陸機善爲文。張華謂人曰。機之
文猶立圃中積玉。無非夜光。唐書張說。燕公晚謫
岳州。詩益悽惋。人謂其得江山之助。晉孫綽嘗作
天台賦。詞致甚工。以示范榮期。期覽畢曰。卿試擲地
當作金石之聲。唐李嶠善文。作少室山記。富贍華
美人。謂片箋片玉。唐裴度爲相。修福先寺。欲請白
居易作碑文。皇甫湜時爲判官。請曰。何近捨皇甫湜
而遠取居易。裴謝之。湜飲以斗酒。揮筆而成。謂晉公
曰。碑三千字。一字一縑。更少不得。唐李白送弟序。

嘗醉目語曰弟心肝五臟皆錦繡耶不然何開口成
文揮毫霧散也。晉王珣爲桓溫掾嘗夢人與大筆
如椽既覺曰當有大手筆事俄而武帝崩凡謚冊誄
命皆珣所草。杜牧李賀集序云使賀未死少加以
理雖奴僕命騷可也。杜審言曰吾文可使屈宋作
衙官。通鑑東海徐摛文體輕麗可愛時人謂之宮
體。歐陽公云文章有兩等有山林草野之文有朝
廷臺閣之文。王安國嘗謂余曰文章須要官樣。豈亦
謂有臺閣氣耶。孟東野詩欲識楚章句袖中蘭茝

薰王勃字子安每屬文磨墨數升酣飲引被覆首而臥及寤援筆成章不易一字人號腹藁李太白詩咳唾落九天隨風生珠玉韓愈聯句窺奇摘海異恣韻激天鯨腸胃繞萬象精神驅五兵大句幹玄造高言軋霄嶧舌有風雷筆有神東坡句唐文藝序陳子昂爲感遇詩三十八章王適曰是必海內文宗此詩前無作者後無述者詩話昔有病瘥者子美曰吾詩可以療之病者問何詩子美曰子璋黷屨血模糊手持擲還崔大夫又云更有昔日太宗卷

毛驕近曰郭家獅子花。其人誦之果愈。曹操命陳
琳草檄文。琳呈上。請操覽之。操方病頭風。臥讀琳所
製。起曰。琳之檄愈我病也。奪錦詳韓公詩云。李
杜文章在。光焰萬丈長。平生千萬篇。金薤垂琳瑯。仙
官勅六丁。雷電下取將。

伎藝

氣鍾五緯心醉六經精神滿腹出於聖而入於神經史
蟠胸含乎今而茹乎古以道爲飲以理爲食自知滋味
攸長於經而耕於典而耨肯使工夫少輟縱橫藝圃羅
二十八宿於心胸馳驟詞垣振三五六經之羽翼灑灑
乎居文章籙翩翩然登道德藩劉歆之墨海弘深通史
若波瀾叠叠曹會之書倉拍塞遺經比粒米陳陳虞世
南爲行秘書瀛洲妙選李守素號肉族諸秘省奇英遜
志遺編杜元凱還爲左癖潛心古學孟子明非復吳蒙

太史公納金匱石室之書。漢儒後殿。朱夫子演武夷洞
天之教。宋士前茅。九經庫名重當時。五總龜智周萬物。
洗清慾垢。最嘉顏氏坐心齋。推側面墻。更羨晁公寬眼。
界邢邵讀漢書。五日至頽年。默識未忘。邴原誦論語。一
旬自蚤歲。聰明乃爾。鄭玄之發墨守。創立規模。劉兆之
作調人。新生議論。朱生詩句言言好。殿錦可爭。呂氏春
秋字字奇。市金誰得有疑。未決古事。還須問仲舒。最美
可傳奇。才畢竟稱蘓子。

文中子傳心辭六經

皇甫湜退之墓誌云。茹古含

今無有端涯。渾渾灑灑。不可窺校。及其酣放豪曲。快
字凌紙。粟密窈眇。章爰句適。精能之至。入神出聖。嗚
呼極矣。以道爲飲。二句皮目。休集。元禎集。耕於
其經。穉於其典。李賀作高軒過云。二十八宿羅心
胸。高軒過篇名。唐文粹。縱橫藝圃。馳驟詞垣。唐文粹。
居文章錄。含濡於宋。艷班香。登道德。落密邇於孔。墻。
顏巷。論衡云。劉歆字子駿。漢朝智囊。筆墨淵海。
唐曹曾積書爲倉。以貯古今書籍。時謂之曹氏書倉。

虞世南
詳文獻

唐書。李守素精於古典。凡古人姓氏無

不悉記。士林號爲李氏肉譜。晉杜預字元凱好讀左傳。日玩味之不厭。人稱爲左氏癖。吳志呂蒙字子明。初未知學。孫權謂蒙宜學古。以自開益。後魯肅過蒙。大驚曰。卿非復吳下阿蒙。蒙曰。士別三日。卽當刮目相待。太史公自序云。司馬遷爲太史令。緡金匱石室之書。軍後曰殷。武夷洞天據地輿志云。三十六洞天也。朱晦翁讀書於此。故云。儒林傳唐谷律那博通經術。爲世所重。號九經庫。又房暉遠博聞廣記。學者稱爲五經庫。唐殷踐猷博通經典。賀

知章稱之曰五總龜。爲秘書省學士。龜千歲一總問無不知

呂文叔送劉戶曹詩。學如元凱。方成癖。文似相如。始類排。獨立孔門。無一事。惟傳顏子。得心齋。宋晁無咎云。人有障蔽。所見幾何。若推倒面牆。殊覺眼界寬耳。北齊邢邵性敏慧。借友人漢書一部。讀之未幾。送還。友人曰。君不讀耶。曰。讀之矣。友人曰。五日耳。能盡遍乎。及令誦之。無一遺忘者。邢原別傳。原蚤喪父。家貧。過鄰人學舍。旁而泣。師問故。原曰。欲讀書。無束修。併買書之貲耳。師取以書。命其就讀。旬日間已

讀論語孝經是在童龀之中已巍然與眾不同矣音龀

龀毀齒也疑音逆知識也鄭玄詳文章篇晉劉兆以春秋一經三家

殊塗諸儒是非之議紛然互為仇敵乃思三家之異

合而通之周禮有調人之官作春秋調人七萬餘言

宋之問龍門賦詩奪東方虬之錦詳前英賢秦呂不

韋為相國作呂氏春秋暴之咸陽市懸千金其上曰

有能增減一字者予之竟無能者世說補齊澣善

知今事高仲舒善知古事姚崇每語此二人嘗曰欲

知古事問仲舒欲知今事問齊澣齊澣字洗心官吏部侍郎高麗客卿

舒官中
書舍人

朱書蘇軾號東坡哲宗召見便殿太后亦
在謂曰先帝每讀卿文章必曰奇才奇才因命坐賜
茶夜歸徹御前金蓮炬送歸院

伎藝二

道。航。聖。漬。學。冠。儒。紳。濬。濂。溪。之。源。浚。象。山。之。流。會。心。證。
印。尋。考。亭。之。支。紹。南。豐。之。派。交。手。傳。燈。杜。預。之。稱。武。庫。
五。兵。何。所。不。全。晁。錯。之。號。智。囊。萬。有。盡。歸。總。括。博。羣。方。
異。物。茂。先。乃。是。真。聰。識。三。篋。亡。書。安。世。最。爲。達。養。五。行。
叅。一。目。應。奉。猶。奇。十。過。誦。萬。言。敬。忠。益。敏。張。憑。之。洒。洒。
言。辭。無。非。理。窟。裴。頤。之。翩翩。議。論。恰。是。談。林。筆。硯。是。末。
相。經。史。是。良。田。楊。子。行。之。富。產。道。德。爲。弓。弩。仁。義。爲。鎧。
甲。王。逸。少。之。詞。鋒。司。馬。遷。藝。林。數。雋。馳。騁。古。今。貫。穿。經。

傳辛德源學圃推英枕籍六經漁獵百氏講易舌生風
五鹿被朱生折角說詩喉吐藻諸生因匡老解頤戴憑
夸公卿之席誰不讓才蔡邕送士子之書自當遜美家
傳妙學人人羨王氏青箱夢授真符士士慕韓公丹篆
杜拾遺固真名筆王摩詰乃大作家是誰吞易三爻出
新議於王弼鄭玄之外有客集書十卷進古文於李翱
韓愈之間王璘日試萬言特樹儒林赤幟安道句閣三
史長驅翰苑青驄廣資識見王充從市廛上閱書益大
胸襟李邕自秘省中校籍茲豈是學慚鼠獄所見早早

亦未爲智。乏雞碑。其才。謏謏。讀書千萬卷。正堪笑他人。沒字之碑。竊句二三言。何不耻自己無源之水。

杜甫詩。妙學冠儒紳。濂溪周茂叔。象山陸九淵。考

亭朱紫陽。南豐曾子固。

武庫智囊
俱許英賢

晉張華字茂

先讀書三十乘。周知事物。作博物志四百卷。武帝以

爲繁。乃總爲十卷。漢書張安世字子孺。武帝幸河

東。亡書三篋。詔問羣臣。俱莫能知。惟張安世識之。具

補其事。後帝得書。以校。並無所遺失。上奇其才。擢爲

尚書令。後漢書應奉字世叔。少聰明。自爲兒童及

長凡所經履莫不暗記讀書五行並下。唐開元中常敬忠十五歲上書言能一過誦千言。張燕公問曰能十過誦萬言乎。曰能以萬字試之。七遍已通熟矣。晉張憑舉孝廉詣劉真長。真長與之言談稱爲理窟。世說裴僕射善談論。時人聽之無倦號談林。漢楊政字子行嘗語人曰吾無厚產惟經史爲田筆硯爲耒耜耳。後爲侍中善說經。京師人語曰說經經經楊子行。司馬遷贊北史辛德源字孝基劉逖許前英賢薦之曰德源枕籍六經漁獵百氏勅下除散騎侍郎。

漢元帝朝五鹿充宗爲梁丘易。帝令其與諸易家
講論。充宗承貴下口。諸儒莫能抗。皆稱疾不敢會。有
薦朱雲者。雲入論難。連挂五鹿君。故諸儒爲之語曰。
五鹿嶽嶽。朱雲折其角。

匡衡說詩
詳文章篇

後漢書戴憑

舉明經爲侍中正。旦百官朝賀。帝令羣臣說經問難。
義有不通者。輒奪其席。以益通者。憑遂重坐五十餘
席。漢史王粲借書於蔡邕。邕以書一車送之。謂人
曰。此公有異才。吾故云爾。南史王彪之字叔武。導
從子。博聞多識。練悉朝儀。自是世諳江左舊事。緘之

青箱時。謂王氏青箱學。事文類聚。韓退之嘗夢人

與一丹篆吞之。有一人在旁撫掌而笑。公自是才思

日進。後遇孟郊。乃撫掌而笑者。文士傳云。李白杜

甫二人。以文學相領。頗當時稱曰李杜。且曰李杜真

名筆也。唐書王維爲博士。嘗爲人作文。有送潤筆

資者。誤詣僚友署中。僚友指引之曰。大作家在那邊。

虞翻別錄。翻嘗夢一道士布易爻。撓其三以飲翻。

翻乞盡吞之。道士曰。易道在天。三爻足矣。深明易道。

者。宋權邦彥字朝美。爲集十卷。楊誠齋見而重之。

曰韓愈李翱莫過也。唐王璘長沙人嘗日試萬言。一日遇李羣玉問何人璘曰日試萬言王璘羣玉曰與君聯句可乎遂云芍藥花開菩薩面璘卽云櫻櫚髮散夜叉頭。蘇東坡撰張安道墓誌安道家貧無書從人借三史旬日輒歸之曰得其詳矣。後漢王充家貧無書嘗遊洛陽市肆閱所賣之書一覽卽記憶。唐李邕自言讀書未徧見李嶠願直秘書嶠曰秘書萬卷豈時日習耶固請未幾辭去悉得其大畧。芸田錄丁用晦云學慚鼠獄智乏雞碑。鼠獄張

湯幼時鼠盜肉掘得鼠及餘肉劾鼠治訊按罪具獄
父視之文詞峭厲如老吏斷獄乃大驚雞碑裴度
平淮得一碑有云雞未肥酒未熟解者謂雞未肥肥
字去月字已字也酒未熟酒字去點水酉字也後吳
元濟果以已酉日就擒五代任國曰崔協不識文
字虛有儀表號沒字碑趙崇標質堂堂而不學人
亦號爲無字碑南史王筠嘗語人云今之作文者
竊人二三句湊撮其篇此無源之水也能無涸乎

仕進

文章俄成榜花欲列三條燭盡燒殘舉子之心七藝篇
成驚破試官之膽風魔漢須忤宦豎忠孝人必中狀元
滿城桃李屬春官萬里雲程通月府馬蹄躑躅看長安
一日之花龍角崢嶸奮禹穴三層之浪紫泥金遙傳喜
捷紅綾餅已飽天厨名姓得興符金甲研夢中之竹文
章入立格朱衣點暗裏之頭御殿簪花溫公以表君賜
瓊林赴宴宋白因沐聖恩鳳鸞之翅聯飛濟濟同年兒
弟杞梓之材互用紛紛入彀英雄歐公重劉子文章范

質傳和凝衣鉢科名不愧勿論盧後王前政績宏施當
效郭南韓北南陽逢名父遺愛猶存東海得于公寃民
盡釋叔度來何暮先聲宣蜀郡之西何武去見思遺愛
滿淮壘之左細民呼舞秀麥兩岐巨姓服馴板蕤一本
法外仁視民猶子嚴中恕化賊爲民花落訟庭閒草生
公府靜士頌刑寬吏從冰上立人在鏡中行民歌政善
黃河如帶山如礪茅土庸封明月比珠霞比綃珍奇錫
賞田千秋一句至宰相龍渥恩深張柬之卽日拜平章
齒高德重無能名未立何須悔讀南華有志事竟成尚

必力磨鐵硯。

南部新書。唐太中年間。禮部放榜。取姓氏稀僻者。問之曰。榜花。唐制。舉子試日。既暮。給燭。主文權德輿戲之云。三條燭盡。燒殘舉子之心。七藝篇成。驚破試官之膽。唐劉蕡。楊嗣復門生也。所對策。直忤宦官。中尉仇士良。謂嗣復曰。君奈何以國家科第。付此風魔漢乎。嗣復懼。竟黜蕡。使下第。宋神宗慎於選士。焚香祝曰。願得忠孝狀元。及唱名。乃鄭獬也。獬爲人素忠孝。故首薦云。唐孟郊下第。作詩云。一夕九起。

嗟夢魂不到家。兩度長安陌。空將淚漬花。後及第作詩云。昔日讙。礙不足。嗟。今朝曠。蕩恩無涯。春風得意。馬蹄疾。一日看遍長安花。陳元老及第詩。桃花先透三層浪。月桂高攀第一枝。盧氏雜記。唐進士及第。以泥金帖字。附家書爲報。謂之喜信。唐僖宗幸南內。與慶池泛舟。方食餅餠。進士在曲江有聞。喜宴上命御厨依人數。各賜紅綾餅餠。所司以金合進上。命中官馳以賜。故徐演詩云。莫欺老缺殘牙齒。曾喫紅綾餅餠來。青箱雜記。宋劉沆赴省試。一夕夢金

甲神斫落其頭。有士解曰。斫落頭。留項在。蓋南音呼
沆爲項。果及第。歐陽公知貢舉。每閱試卷。覺旁有
一朱衣人點頭。然後入格。及回視。無所見。因語同列
而三嘆。嘗有句云。文章自古無憑據。惟願朱衣一點
頭。又詩云。青夜夢中糊牋處。朱衣暗裏點頭時。宋
制每宴進上。必簪花。溫公二十登科。獨不肯簪花。同
年曰。君賜不可違。乃爲簪一花。宋太平興國八年。
宋白等並賜及第。賜宴。始就瓊林苑。後遂爲定制。
楊思復文集序。貞元中。擢公德真奉詔。考定賢良草

澤之士。擢進士第者七十二人。鸞鳳杞梓。舉集於權公之門云。曹業卽席呈同年詩云。自疑孤飛鳥。得接鸞鳳翅。永懷共濟心。莫起胡越志。撫言唐太宗貞觀中。私幸端門。見進士綴行而出。喜曰。天下英雄盡入吾彀中矣。時人語曰。大皇帝真長策。賺得英雄盡白頭。筆談。歐公主文衡。嫌舉子劉幾爲文險怪。黜之。及後試堯舜性之賦。有云。靜而延年。獨高五帝之壽。動而有勇。形爲四暴之誅。公大稱賞。擢第一。始知劉幾易名劉渾也。邵氏聞見錄。范質舉進士。

主文和凝愛其才以第十三登第謂質曰君文宏冠
多士屈居十三者欲君傳老夫衣鉢未幾和入相後
質亦拜相有詩云從此廟堂添故事登庸衣鉢亦相
傳王楊盧駱號唐時四傑楊炯嘗曰吾耻居王後
愧在盧前王勃盧照隣駱賓王郭禹爲荊南守兵荒之餘撫
集凋殘韓建爲華州刺史亦招撫流散民留軍瞻人
謂之北韓南郭漢名信臣字翁卿爲南陽太守興
利除害吏民信懷號爲召父後杜詩字君公亦爲南
陽守性節儉而政治清平南陽人爲之語曰前有召

父。後。有。杜。母。
漢于定國字曼倩爲廷尉決疑于法

加。審。慎。之。心。朝。廷。稱。之。曰。張。釋。之。爲。廷。尉。天。下。無。冤。

民。于。定。國。爲。廷。尉。民。自。以。不。冤。
漢廉范字叔度治

成。都。民。歌。曰。廉。叔。度。來。何。暮。不。禁。火。民。安。作。昔。無。襦。

今。五。袴。
後漢何武傳武治淮南所居無赫赫名去

後。常。見。思。
張華奏秀後漢龐參守漢陽邵到任

先。候。高。士。任。棠。棠。以。水。一。盂。薤。一。朮。置。屏。前。自。抱。小。

兒。當。戶。立。參。思。曰。水。欲。吾。清。也。薤。欲。吾。擊。強。宗。也。

抱。兒。當。戶。立。欲。吾。開。戶。恤。孤。也。
宋書李順據成都

王繼恩討平之時。張詠爲成都守。繼恩送賊黨使賊
詠悉放之。謂繼恩曰。李順脅民爲賊。吾等化賊爲民。
何乃不可乎。草生公府靜。花落訟庭閒。杜送劉使
君詩。宋人上烏臺詩。抱案吏從冰上立。訴冤人在
鏡中行。史記功臣表序。封爵之誓曰。使黃河如帶。
泰山如礪。國以永寧。爰及苗裔。漢書。勛功臣詔云。
明月之珠。赤霞之綃。用酬爾功云。前漢田千秋傳。
千秋以一言寤帝意。旬月間取宰相封侯。唐書張
柬之爲洛州司馬。姚崇薦之曰。其人老惟亟用之。武

后卽召拜平章。唐令狐綯以舊事訪於溫庭筠。庭筠對曰。事出南華。非僻語也。冀相公變理之。服。特。乞覽古。綯怒。奏庭筠有才無行。不許登第。庭筠詩云。須知此恨人多積。慚讀南華第二篇。漢光武車駕至臨淄。勞軍。帝謂耿弇曰。昔韓信破歷下以開基。今將軍攻祝阿以發迹。此皆齊之西界。功足想方。將軍前在南陽。建此大策。常以爲落落難合。有志者事竟成也。宋桑維翰下第。或令其改業。維翰鑄鐵硯以示人曰。硯穿則改他業。卒以進士及第。

富貴

富極萬鍾貴。階一品。澹然楊素嘗云。嫌以逼臣。智矣。聞
朱更爾。恃其敵國。石氏一門。并萬石。何等尊榮。王家同
日封五侯。不勝烜赫。金張許史。懾人權勢。可寒心。魯紹
環蒙炙我威。炎能熟手。李牛多其錫。賚金玉。疊重牢石
濫以寵榮。印綬繫若家聲。光譜系人爭羨。唐室八蕭相
業紹箕裘。誰不稱宋朝三呂子儀。佳士歷二十四考中
書。馮道何人。作三四五朝宰相。冠蓋里中。瞻望族車從
紛紛。梧桐樹底識名家。簪紳奕奕。洪氏子文場。戰罷滿

堂懸捷報之牌。崔家人金闕歸來。一榻置朝天之笏。勿謂貴而可數。且言富有足多。李澄彌野外膏腴。乃稱地癖。蕭宏滿庫中赤仄。悉是錢恩。愛田宜目。多用翁客。錢當作守錢虜。佳殺錯雜。邵公嘗別珍厨。異寶充盈。王氏却云。富庸鍾乳三千兩。元載豪華金釵十二行。田文富盛。董卓積寶。邵中壓殘金場。鄧通布錢天下。鑄盡銅山。王武子錢埒馬何幸。而享榮華。錢粵王錦林樹有綠。而增光采。牙檣錦纜。隋煬增遠。渚之奇玉。鳳金龍元保。侈華堂之勝。象牙牀魚生太多。火浣布石氏何多。婦乳飲

純。畜。類。翻。成。人。類。兒。口。承。唾。用。僮。充。作。用。壺。笙。歌。歸。院。
落。燈。火。下。樓。臺。每。屬。繁。華。之。草。真。珠。落。臂。繡。百。寶。粧。腰。
帶。悉。歸。豪。靡。之。家。南。路。徐。北。路。魚。熏。天。勢。焰。王。家。絲。石。
家。錦。載。道。輝。煌。

史記范蠡浮海變姓名止於陶致資巨萬天下稱陶

朱公

揚素詳前恬淡萬石詳前倫行

漢成帝封其舅王譚王商

王根王立王逢時俱同日爲侯時謂王氏五侯漢

金日磾子金倫贊曰篤敬寤主忠信自著世名忠孝

七世內侍張湯傳贊曰張氏子孫相繼自宣元以

來爲侍中中常侍者凡十餘人。功臣之後惟有金氏。
張氏親近貴寵比於外戚。漢書云許嘉爲大司馬
車騎將軍。漢書云史丹男九人皆以丹仕爲侍中。
自宣元成哀外戚興者許史二王丁傅之家皆重侯
累將窮富極貴。唐崔鉉進僕射與鄭魯楊紹段復
環薛蒙頗叅議論時人語曰鄭楊段薛炙手可熱欲
得命通魯紹環蒙。李牛謂林甫僧孺也皆唐時相
玄宗愛之頻有錫賚。漢元帝時石顯與中書僕射
牢梁少府五鹿充宗結爲黨友共擅威權附者得位。

民歌之曰。牢耶石耶。五鹿客耶。印何累累。綬何若若。耶。唐書蕭氏興江左。實有功在民。厥後無大惡。以浸微而亡。故餘社及其後裔。自瑀及邁。凡八葉。宰相名德相望。與唐盛衰世家之盛。古未有也。三呂謂呂蒙正。呂夷簡。呂公著。皆爲宋之名相。唐書郭子儀。身任安危者四十年。校中書令二十四考。其富貴壽考。哀榮終始。人臣之道。無缺焉。五代史馮道爲相。歷梁唐晉漢周凡五世。襄陽耆舊傳。襄陽郡峴山南至宜城百餘里。其間縉紳迭出。漢宣帝時有卿。

士及刺史二千石凡數十人。刺史行部見之。號冠蓋里。宋韓子華兄弟皆爲相。人呼子華爲二相公。持國爲五相公。其所居第有梧桐樹。京師稱桐木韓家。趙宋三洪子孫昌盛。試文場日俱中選。主司贈之以聯云。捷報滿堂何用書。詩書盈架不須田。唐書崔儼爲諫議大夫。琳爲相。弟珪太子詹事。瑤光祿卿。具列柴戟。其餘冠蓋濟濟。每朝罷以一榻置笏。猶重唐李愷愛殖產業。伊州有膏腴。自都至關口山疇。彌望時號爲地癖。梁武帝弟蕭宏愛錢百萬一聚。

黃榜標之千萬一庫掛一紫標如此三十餘間武帝見之計錢三億餘萬武帝少子綜作錢愚論以譏之

晉和嶠家至富其性至吝一文不妄費人目爲錢

癖多田翁守錢世說補唐韋陟封郇公性好奢

靡厨中飲食香味錯雜人入其中多飽飫而歸時人

爲之語曰人欲不飯筋骨舒負緣須入郇公厨唐

王元寶金玉充塞室中時號富窟唐元載爲相貪

之及獲罪有司籍其家鍾乳三千兩胡椒八百斛其

他物不可勝紀史記孟嘗君金釵十二行魏志

董卓築郿塢。高與長安城埒。積黃金數十萬於中。人謂之金塢。漢鄧通見寵於文帝。相者曰。通當餓死。帝曰。富通者在我。乃賜通蜀之銅山。使通得自鑄錢。鄧氏錢遍天下。晉王武子移地北邙。買地作養馬之埒。編錢滿地。時號爲金埒。後唐書。錢鏐既爲吳越王。其所居之城。標以錦綵。名衣錦城。其山皆覆以錦。號錦林。號其幼所戲大木曰衣錦將軍。隋煬帝遊戲湖中。造龍舟二十餘丈。以牙爲檣。錦爲帆。及纜。照耀於湖之上下。晉王元保性奢侈。其所居窓戶。

雕以玉鳳銜鈴金龍吐旆。且曰石崇庶姓。猶壽卯雕。
薪元保。豈泯泯者哉。梁魚容性侈靡。以象牙造牀。
周匝鏤金蓮花。以琥珀龜負牀脚。晉惠帝外國進
火浣布。帝爲衫服之。以爲天下希有。幸石崇家。崇奴
隸皆衣火浣衫。祇事帝。帝太慚。世說晉武帝嘗降
王武子家。武子供饌。並用琉璃器。婢子百餘人。皆綾
羅綺襪。以手擎飲食。烝飢甚美。異於常味。帝怪而問
之。答曰。以人乳飲。牠帝甚不平。食未畢。便去。晉符
堅從兄朗初過江。常與朝士譙。時賢並用唾壺。朗惟

使小兒跪而開口受客唾而含出之。笙歌歸院落。
白樂天詩。百寶粧腰帶。杜子美詩。唐書徐君蒨。
爲湘東王諮議參軍。侍妾數十。皆佩金玉衣羅綺。時。
魚弘亦以豪侈見稱。於是府中語曰。北路魚南路徐。
晉石崇王愷並以奢侈相高。愷以餽沃釜。崇以蠟。
代薪。愷作紫綵步障四十里。崇作錦綵步障五十里。
以敵之。

貧賤

動履多艱。語言無味。室同懸磬。頓增魯國之憂。地乏立。錐。適動香巖之感。午炊晨食。聊度年荒。夏典春衫。僅資日用。居無輪奐。士居葵巷。蓆爲門。食乏膏腴。人在首山。薇當粟。不羹井。晨凍無衣。床夜寒。言可銷魂。強歌聲無。歡食藟腸亦苦。事皆落魄。年登而妻孥泣餒。冬煖而兒輩號寒。多病而故人致疎。不才而明主見棄。囊空羞澁。阮孚惟有一錢。看室敞空虛。司馬止留四壁。在捉衿肘。見曾參困抑。無聊踏雪履穿。曼倩貧寒。自若寒肌起粟。

古事如

卷七

古事如

經。宵。只。臥。牛。衣。餓。眼。生。花。終。日。未。燒。土。銕。蓬。門。蒿。室。原。
思。樂。以。忘。憂。甕。牖。繩。樞。陳。涉。債。然。崛。起。灌。嬰。販。繒。爲。業。
豈。意。封。侯。公。孫。牧。豕。營。身。寧。思。相。位。朱。挑。椎。擲。還。鹿。幘。
自。知。命。本。合。窮。蘓。季。子。破。損。貂。裘。誰。意。道。之。難。泰。姜。子。
牙。運。途。蹇。剝。賣。漿。更。值。天。涼。劉。伯。龍。廬。舍。蕭。條。營。利。竟。
遭。鬼。笑。郭。泰。欲。爲。斗。筭。役。無。可。奈。何。班。超。更。作。書。寫。備。
不。得。已。爾。苦。矣。衛。青。作。牧。牛。背。後。受。主。鞭。笞。惜。哉。樂。布。
爲。奴。馬。頭。前。代。人。奔。走。此。固。知。虞。卿。愁。處。尚。可。著。書。更。
須。識。李。路。傷。時。無。能。爲。禮。楊。雄。逐。貧。賦。人。謂。其。逐。之。何。

迎韓愈送窮文。我怪其送之不蚤。

左傳齊侯伐魯。魯使展禽犒師。齊侯問曰。魯人恐乎。

對曰。小人恐矣。君子則否。齊侯曰。室如懸磬。野無青草。何恃而不恐。對曰。恃先王之命。秦孝公壞井田。

開阡陌。故民得買賣。富者田連阡陌。貧者無立錫之

地。阡陌田間道也。香巖禪師曰。去年貧。未是貧。今年貧。始

是貧。去年貧。無卓錫之地。今年貧。錫也無卓卓立也。

唐貧士詩。近皆吹午熨。未夏典春衫。洪陳平傳。平

居菱巷。以蓆爲門。門外多長者車轍。不爨井晨凍。

唐人居貧之詩。孟郊贈別崔純孝云。食藿腸亦苦。強歌聲無歡。出門卽有礙。誰謂天地寬。韓文冬煖而兒號寒。年登而妻啼饑。唐書王維入直秘省。孟浩然隨而入。忽立宗駕幸。浩然匿床下。維以實對。上召見命誦其生平所作之詩。有不才明主棄多病。故人疎之語。上曰。卿不求仕。朕實未嘗棄卿也。晉阮孚持一皂囊遊會稽。囊中但有一錢。杜詩云。囊中恐羞澁。留得一錢看。漢司馬相如字長卿。臨邛富人卓王孫女文君新寡。相如以琴心挑之。文君夜亡奔。

相如與馳歸成都家徒四壁立文君不樂因與復之
臨邛賣酒文君當爐莊子曾子居衛捉衿而肘見
納履而踵決曳縋而歌商頌聲滿天地若出金石
東郭先生居貧行雪中履有上無下著地處皆足跡
後漢王章家貧冬寒無被與其妻臥牛衣中相對
而涕泣後爲京兆尹欲上封事妻止之曰獨不念牛
衣中涕泣時耶牛衣蓋編草爲之漢王褒傳褒家貧
土銼經日無烟土銼瓦鍋蜀人呼釜爲銼家語
原憲居貧端木賜結駟連騎以從原憲憲居蓬蒿中

并日而食。子貢曰：甚矣子之病也。憲曰：無財者謂之貧。學道不能行，謂之病。若憲，貧也，非病也。子貢有愧色。賈誼過秦論云：陳涉甕牖繩樞之子，材能不及中庸。漢書：灌嬰本販繒之徒，佐高祖定天下，封列侯。漢書：公孫弘爲丞相，封平津侯，起於牧豕。事文類聚：唐朱桃椎，弊衣帶索，長史竇軌遺以鹿幘。朱交之地不服，曰：命令窮耳。夏則袒，冬則絺，木葉以自蔽。髮有巾，曰幘。史記：李兌遺燕秦黑貂裘一領，秦入秦不遇而歸。黑貂裘敝，累累然如喪家狗。史記：姜子

牙少貧窶賣漿而值天涼屠牛賣肉而值天熱南
史朱劉伯龍歷位九卿郡守貧窶尤甚嘗在家將營
什一之利一鬼在旁撫掌大笑伯龍乃歎曰貧窮固
有命乃復爲鬼所笑遂止漢書郭泰世貧賤蚤孤
母欲使給事縣廷林宗曰大丈夫寧能處此斗筲役
乎漢書班超有大志家貧爲人寫屯田冊籍久勞
苦投筆歎曰大丈夫當效傅介子張騫立功異域以
取封侯安能久事筆硯間乎後平伏西域封定遠侯
傅介子張騫俱漢武
帝臣出使立功者

漢書衛青少孤貧爲人牧牛

相者曰。善自勉。後當封侯。青曰。爲人奴。得免於笞辱。足矣。武帝朝。果拜爲大將軍。漢書。樂布窮困。傭於齊。爲酒家保。數歲。爲人所掠。賣爲奴於燕。史記。虞卿窮愁著書。桓弓子路曰。傷哉貧也。生無以爲養。死無以爲禮也。楊子逐貧賦中有云。舍爾遠竄。崑崙之巔。爾復我隨。翰飛戾天。舍爾登山。巖穴隱藏。爾復我隨。陟彼高岡。舍爾入海。汎彼拍舟。爾復我隨。載沉載浮。我行爾動。我靜爾休。豈無他人。從我何求。今汝去矣。勿復久留。

韓愈送窮文
詳前明令篇

薦拔

縑衣好賢。華袞褒士。轉移風俗。山子以一字拔人。張主
人才。中行以衆人待我。竹頭木屑。並遊斧斤之場。馬渤
一沒。互入刀圭之選。周姬公擢英賢八百輩。大開寒峻
之途。趙文子舉管庫七十家。一洗炎涼之俗。發揮善類。
桃李在狄相之門。收拾真才。騏驎歸富公之廐。帝室瑰
寶。清廟偉器。得陸雲一疏。張瞻便作奇人。楚和秘耀。魯
璠遺英。有王鑒片言。馮訪乃爲雅士。寇恂文武備足。更
煩鄧禹之闡揚。賀循才鑒清高尚。藉陸機之表暴。王戎

簡。要。裴。楷。清。通。鍾。士。季。可。謂。公。評。伏。龍。奇。才。鳳。雛。逸。品。
徐。元。直。儘。稱。藻。鑑。狄。梁。公。藥。籠。俊。又。充。盈。呂。文。穆。夾。囊。
賢。才。拍。塞。不。避。親。不。避。讐。公。論。一。持。於。正。範。世。清。規。毋。
挾。長。毋。挾。貴。尊。賢。悉。去。其。驕。鑄。人。妙。學。左。雄。須。居。喉。舌。
虞。詡。之。論。士。何。私。慶。忌。宜。在。爪。牙。何。武。之。品。人。惟。當。建。
蹇。項。顓。秦。之。器。韓。信。尚。賴。於。蕭。何。辨。受。金。盜。嫂。之。誣。陳。
平。更。須。於。魏。倩。趙。鞅。之。思。周。舍。乃。云。一。狐。愈。於。千。羊。孔。
融。之。薦。爾。衡。所。謂。百。鳥。不。如。一。鶚。居。別。駕。差。展。驥。足。龐。
士。元。幸。來。諸。葛。之。褒。爲。太。常。必。用。鳳。毛。成。公。綏。喜。得。張。

華之譽管夷吾不逢鮑子必死於齊國倂因習鑿齒既
遇桓公不老於荊州從事裴琨細陳筆札紙上春風謝
眺不惜齒牙舌端甘雨遠取居易近捨皇甫竊知裴相
之不然朝扳溫造暮羅石洪須謂烏公之有禮說項斯
之詩於到處和氣游揚吹楊雄之賦以上天春風充溢
緇衣好賢之詩孔作春秋一字之褒榮於華袞
晉書蔡克字子尼未仕時山簡與王衍書曰蔡子尼
今之正人衍以書示於衆曰山子以一字拔人戰
國策豫讓曰士爲知己者死女爲悅已者容中行氏

以衆人遇臣。臣故衆人報之。智伯以國士遇臣。臣故國士報之。韓文大木爲桀。細木爲桷。各得其宜。施以成室者。匠氏之工也。牛溲馬渤。敗鼓之皮。兼收並蓄。待用無遺者。醫師之良也。登明選公。維進巧拙。較短量長。惟器是適者。宰相之方也。禮記。周公一飯三吐哺。一沐三握髮。以待賢士。擢賢士登庸者。八百餘人。禮記。趙文子所舉於晉國。管庫之士。凡七十有餘家。通鑑。武后朝。狄仁傑爲相。薦張柬之。有宰相才。武后用爲相。又薦姚元崇等數十人。俱爲名臣。

或曰天下桃李悉在公門。言行錄富公弼薦知名之士。如王質與其弟素、余靖、張環、石介、孫復、吳本、韓維、陳袞、王鼎、張顥之、陳希亮諸人。謂孫陽之廐皆上乘驥也。晉陸雲薦張瞻文云：帝室之瑰寶、清廟之律器。王鑒薦丹陽馮訪云：魯璠之遺英、楚和之秘曜。後漢光武南定河內，而朱鮪等盛兵據洛陽，又并州未安，光武難其守，問於鄧禹。禹對曰：寇恂文武備足，有牧民禦衆之才，非此子不可使也。晉書賀循字彥先，著作郎，陸機上疏薦之，伏見武康令賀循。

者德量遠茂才鑒清高武帝擢爲秘書郎晉書武

帝朝吏部郎闕帝問其人於鍾會會曰王戎簡要裴

楷清通皆其選也士季鍾會字蜀志徐庶謂先主曰伏

龍鳳雛當代佳士得一可安天下唐書元澹字行

冲嘗謂狄仁傑曰下之事上譬之冢家貯積以自資

也脯腊膜腹以供滋膳參朮芝桂以防疾疾門下充

旨味者多矣願以小人備一藥石可乎仁傑笑曰君

正吾藥籠中物不可一日無也呂蒙正夾袋中有

冊子每四方有人謁見必問有何人才客去卽識之

朝廷求賢取之囊中以對。呂氏春秋晉平公問於
邢黃羊曰：南陽無令誰可爲之？對曰：解狐可。平公曰：
解狐非子之讐耶？對曰：君問可非問臣之讐也。平公
遂用之。國人曰：善。旣而平公又問黃羊曰：國無尉誰
可爲對？曰：午也可。公曰：午非子之子耶？對曰：君問可
非問臣之子也。平公用之。國人亦曰：善。
左傳事見
文職篇
漢辛慶忌爲光祿寺丞。何武上封事云：將不預設
則無以應卒。若慶忌宜在爪牙任。前漢朱邑傳：張
敞爲膠東相，與邑書曰：昔陳平雖賢，須魏倩而後進。

韓信雖奇。賴蕭何而後信。邑感敝言。貢薦賢士大夫。多得其助。新序。周舍事趙簡子。立簡子之門三日。三夜。簡子使人問曰。何以令我舍曰。願爲謬謬之臣耳。簡子曰。干羊之皮。不及一狐之腋耳。後漢書。孔融薦禰衡書曰。禰衡英才卓犖。升堂覩與。目所一見。輒誦於口。耳所暫聞。不忘於心。所謂驚鳥累百。不如一鶚云云。麗士元評前英賢篇晉書。成公綏傳。張華雅重綏。每見其文。嘆服。太常卿閔華薦之曰。太常清卿。必鳳毛士。爲之。成公綏可任其職。綏乃受詔。史記。桓

公四管仲於檻車。鮑叔牙薦之曰：管子天下才也。桓公遂用爲相。世說：習鑿齒有才名，桓宣武器之用爲荊州治中。謝朓曰：不得明公荊州老從事耳。唐憲宗紀：李吉甫同平章事，間中書舍人裴垍曰：朝廷後進軍所接識，君有藻鑑，願悉言之。垍取筆疏三十餘人，數月之間，選用畧盡。世說補：謝朓字元暉，好獎人才。會稽孔頭胤有文章，未爲時人所知。孔稚圭嘗今草讓表，以示元暉。元暉嗟嘆良久，自折簡寫之。語稚圭曰：是子聲名未立，應共獎成，無惜齒牙餘論。

皇甫詳前學術
項斯詳前人事

韓文大夫烏公以鉄鉞鎮河陽

之三月以石生爲才。以禮爲羅。羅而致之幕下。未數
月也。以溫生爲才。於是。以石生爲媒。以禮爲羅。又羅
而致之幕下。朝取一人焉。板其尤。暮取一人焉。拔其
尤。杜甫詩云。楊雄更有河東賦。惟待吹嘘送上天。

亭達

鹽○車○服○驥○終○遇○孫○陽○豐○獄○埋○鋒○還○逢○雷○煥○璞○玉○磨○數十○
許○沙○石○乃○堪○珍○國○璽○而○寶○廟○胡○嶺○松○歷○千○百○載○風○霜○方○
可○柱○明○堂○而○棟○大○厦○困○中○特○起○世○上○幾○何○漢○高○皇○出○唯○
水○之○圖○遽○興○帝○業○齊○小○白○脫○射○鉤○之○難○遂○展○霸○圖○爲○山○
東○從○約○長○分○明○是○刺○股○書○生○擁○關○外○節○旄○人○却○原○來○棄○
繻○羈○旅○子○虛○未○賊○市○屢○羞○滌○器○之○夫○物○色○新○來○巖○穴○起○
作○霖○之○相○侯○班○超○於○萬○里○正○是○傭○書○王○英○布○於○九○江○豈○
非○跡○卒○韓○信○引○釣○絲○城○下○擁○麾○拜○漢○室○將○軍○買○臣○負○薪○

檐○山○中○衣○錦○作○會稽太守○百里奚秦之相○實爲飯牛者○
朋○樊○舞○陰○漢○之○侯○曾○是○屠○狗○者○侶○莘○野○半○梨○春○雨○足○耕○
出○阿○衡○渭○川○一○線○午○風○輕○釣○來○卽○墨○倪○仲○饒○功○名○猶○未○
遂○芳○郊○帶○霧○翻○鋤○公○沙○穆○爵○秋○不○曾○膺○茅○舍○連○雲○春○杵○
臥○牛○衣○以○垂○淚○泣○王○章○還○自○苦○中○甜○事○曲○薄○而○覓○生○涯○
周○勃○却○從○微○處○顯○一○封○特○下○卜○式○發○自○牧○芻○四○輩○迭○來○
馬○周○伸○於○逆○旅○公○孫○乃○儒○者○豕○羣○內○養○成○佐○漢○鉅○公○管○
仲○何○人○哉○檻○車○中○挺○出○霸○齊○仲○父○日○礪○擢○從○降○子○似○跛○
驚○而○遊○康○莊○衡○青○出○自○奚○奴○類○洞○魚○而○縱○大○壑○亡○命○徒○

擇。喬。離。荒。膺。顯。爵。柏。木。春。華。宴。人。子。出。泥。騰。漢。列。華。簪。
孤。松。晚。秀。魏。之。范。叔。秦。之。張。祿。脫。穢。污。而。就。馨。香。鄉。之。
韋。臯。鏌。之。韓。翺。改。零。丁。而。成。卓。犖。歷。觀。豪。傑。悉。起。側。微。
痴。兒。不。了。公。家。事。固。知。瓊。尾。輩。無。聞。男。子。要。爲。天。下。奇。
方。信。魁。梧。人。自。別。

戰。國。策。汗。明。曰。夫。驥。之。齒。至。矣。服。鹽。車。而。上。太。行。遷。
延。負。棘。不。能。上。伯。樂。遭。之。下。車。攀。而。哭。之。解。紵。衣。以。
暴。之。驥。於。是。俛。而。噴。仰。而。鳴。聲。達。於。天。若。出。金。石。聲。
者。何。也。彼。見。伯。樂。之。知。已。也。
孫。陽。善。相。馬。有。星。名。伯。樂。在。天。廐。人。以。孫。陽。識。

馬因號
伯樂馬

晉張華見斗牛之間常有紫氣問雷煥煥

曰寶劍之精也華卽補煥爲豐城令煥掘獄得一石

函中有寶劍二並刻題一曰龍泉一曰大阿是夕斗

牛間氣不復見焉煥留一自佩遣使送一與華沈

約云玉出璞中良工不磨礱之孰知其爲和寶也

戴符松論飲沆瀣飽風霜根植黃泉枝摩青天則可

以柱明堂棟大廈也史記項羽圍沛公於睢水將

獲之忽大風起飛沙揚石天地晦冥沛公乃得脫

春秋齊襄公醉殺魯桓公通其夫人羣弟恐及禍故

次弟糾奔魯。管仲傳之。次弟小白奔莒。鮑叔傳之。後
襄公被弑。齊人召小白於莒。魯亦送子糾。管仲將兵
遮莒道。射中小白帶鉤。小白佯死。得先入齊。人立之。
是爲桓公。史記、燕秦遊說六國使之合兵拒秦。六
國之君推秦爲從約長。漢書終軍西出關。關吏與
之繻。曰：「遠當合符。」軍棄繻去。曰：「大丈夫當不徒還。」後
建節入關。關吏曰：「此前之棄繻生也。」繻自邊也史記相
如居貧。賣酒臨邛。文君當壚。自爲滌器。後爲子虛賦。
武帝讀而善之。遂召用。

傳說詳前地理
班楚詳前貧賤

史記英

布先有罪而黥。後佐高祖定天下有功。封九江王。亦云。黥布。史記韓信釣魚淮陰城中。漂母哀其饑。進之食。信曰。吾必有以重報母。母怒曰。大丈夫不能自食。吾哀王孫而進食。豈望報乎。漢朱買臣家貧。負薪行讀。後爲會稽之守。持節錦歸。史記百里奚自鬻於養性家。得五羊之皮。于秦。因號五穀大夫。漢書樊噲封舞陰侯。噲先未遇。曾販漿屠狗。伊尹耕於有莘。後居阿衡之任。也。相位。太公釣於渭水。後佐武王定天下。封國於齊。即墨齊地。漢書倪寬字仲饒。帶

經而鋤後擢爲左內史轉御史大夫漢公沙穆爲

吳祐賃春祐與之談善之遂定交於春白之間後穆

受祐之所薦爲員外郎王章詳前貧賤馬周詳前英賢史記周

勃事漢祖封絳侯先是勃居貧織曲薄爲業曲薄謂

史記卜式牧羊蕃息漢武見而問之答曰羊善觸

必去其敗羣者然治民亦猶是也帝善之擢爲緱山

令史記公孫弘少爲牧豕後武帝舉用之乃以布

衣位至丞相封平津侯管仲與子糾之難囚之檻

車之中鮑叔牙言於桓公桓公釋之後霸齊稱仲父

漢紀休屠王太子日磾沒入官輸黃門養馬武帝

見其容貌甚嚴即日拜爲馬監遷侍中甚信愛之賜

姓金後用爲右相

衛青詳前貧賤

亡命徒如英布雍齒

輩皆罪當死者

前漢霍光傳諸生多竄人子也

史記范雎爲須賈所譖受魏齊之笞折脇而死置之

廁中睢復甦逃入秦更姓名爲張祿爲秦國相

韋臯

詳婚姻篇

宋書王廷珪吉州安福人其郡人胡銓以排

和議獲譴謫海南廷珪送以詩云痴兒不了公家事

男子要爲天下奇秦檜怒流辰州武將馬羽攝郡事

行之甚厚。廷珪辭曰：「某罪人也。將累公羽。」曰：「山公禮
○ 體其榮多矣。」